

LA NGA KA N'WINA

 Ndza nkhensa, Makwerhu Neville. Hosi a yi ku katekisi.

A hi yimiseni xisweswo loko ha ha khongela. A hi korhamiseni tinhloko ta hina sweswi. Ni hinkwavo lava rhandzaka ku tsundzukiwa eka xikhongelo lexi, yimisani mavoko mi ku, "Xikwembu, hi mina loyi."

² Lowo Kwetsima na Xikwembu xa Tintswalo, hi tisa vanhu lava emahlweni ka Wena, ni swikombelo leswi va nga na swona. Va kombela ku tsundzukiwa. Naswona, Hosi, na mina ndzi yimiserile voko ehenhla. Ndza khongela leswaku U hi tsetselela. Wena u tivaka swilaveko swa hina, naswona hi ta khongela, tani hi leswi U hi dyondziseke ku khongela, "A ku te ku Fuma ka wena. Ku rhandza ka wena a ku endliwe misaveni, tani hi loko ku endliwa Matilweni." Tatana, ha kombela madyambu lawa ku tsetseleriwa, ku tsunxeka ka Moya, leswaku hi nga kota ku tisa eka vanhu Evhangeli ya Ntiyiso, naswona leswi hi pfumelaka ku va ni Hungu ra awara ley, eka Kereke ya Wena. Hosi, hi khongela leswaku hiva xirho xa Kereke ya leyo leswaku hi ta vitaniwa hi masiku ya makumu! Tatana, loko hi nga ri xirho, hlavutela eka hina leswi hi fanelaka ku swiendla leswaku hi va xirho. Naswona hi nyike tintswalo, matimba, eka awara leyo ringeta leswaku ehenhla ka misava hi ringeta hinkwavo lava tshamaka ka yona. Hi nyike Moya wa Wena wo Kwetsima, ku hi rhangela ni ku hi letela, leswaku emakun'wini, emahetelelweni, hi ta eka Wena hi ku rhula, hikokwalaho ka Vutomi lebyi nga Heriki lebyi vapfumeri va byi languteleke ku suka ekusunguleni ka nkarhi. Hi pfune, Hosi. Ha kombela hi Vito ra Yesu. Amen.

Mi nga tshamisa.

³ Hakunene ndzi tsakile ngopfu hikokwalaho ka nkateko ku va kona laha madyambu lawa—madyambu lawa, ni hikokwalaho ka tintswalo ta Xikwembu leti hi nga nyikiwa tona ha Yesu.

⁴ Ni hikokwalaho ka—ka Hungu mixo lowu, sweswi, ndzi lava un'wana ni un'wana a twisia. Sweswi, ndzi tshemba eka Xikwembu leswaku a hi wona nkarhi wa lowo. Wa vona? Kambe Hungu ri ntayiso. Hungu ri ntayiso. Ri tava tano, ku tava nkarhi wun'wana, loko lowu ku nga ri wona nkarhi wa lowo. Naswona ri languteka tani hi nkarhi wa kona, ku kondza ndzi ti twa tani hi Paul wa khale, la nge teri, "A ndzi khomiwanga hi tingana ku hlambanya emahlweni ka n'wina huvo," wa vona, hinkwaswo leswi faneleke ku endliwa.

⁵ Kuna nchumu wun'we ndzi nga wu endla mixo lowu, naswona ndzi kombela ku rivaleriwa hikuva ndzi swi vurile. Ndzi—ndzi khumbhile vito ra makwerhu ndza ehleketa sweswo i xihoxo. A ndzi fanele ndzi nga swi endlangi sweswo. A ndzi se tshama ndzi khumbha vito ra munhu; naswona loko thepi yo wela emavokweni ya yena. Naswona ndzi lava ku n'wi vona ndzi vulavula na yena, hikuva ndzi ehleketa leswaku makwerhu, wanuna lonkulu, loyi a chumayileke kahle laha eka phulphiti, Makwerhu David duPlessis. Naswona a ndzi rhandzi ku vula vito ra yena. A ndzi vilela hi Hungu, ni kuya emahlweni, ni loko ku nga va yini hi nkarhi lowu, naswona ndzi huwelele vito ra makwerhu. A ndzi endli sweswo. Ndzi kombela ku khomeriwa ndzi swi endlile. Ndza n'wi rhandza Makwerhu David duPlessis. I makwerhu wa hina, naswona ndza—ndza ehleketa leswaku wanuna wa kahle wo fana na yena u fanele a kombisiwile eRitweni.

Ndzi mi byela leswi swi nga xiswona. Hi leswaku, mbulavulo lowu David na mina hi nga va na wona...

⁶ U ndzi vulavurile etihlengeletanwini. U chumayerile kwala eka phulphiti ya leyi, kumbe kereke ya khale, kona kwala ephulphitini. Naswona makwerhu wa yena, Justus, a ri mutoloki wa mina eAfrika-Dzonga, laha ndzi tlhelelaka kona. Naswona va huma eka ndyangu wa kahle, kaya ra Pentekostal, munhu wa kahle swinene. David ari, ndza pfumela, mutshami wa xitulu, hi nkarhi wuri wun'we, wa World Pentecostal Assemblies, nale ka Pentecostal World Conference. Ari un'wana wa vatshami wa switulu. A ndzhaku ka nkarhi u tile eUnited States a ta tshama kona, ehandle ka Texas, a ri na Makwerhu Gordon Lindsay, kwalaho u sungule ku chumayila a tindzhawini to hambana.

⁷ Kambe leswi a swi ri xiswona, laha ndzi ehleketa leswaku makwerhu wa hina u endlile xihoxo; ntsena tani hi mina ndzi nga nhloko-mhaka, kumbe un'wana ni un'wana; u sungule ku tirhana na vuhenhla na vuhenhla. A tshamela ro vulavula hi Princeton University na tindhawu leti ati n'wi rhamba, a a ehleketa leswaku u endla swilo swa kahle, naswona a fida muchini hi furu; wa vona, ni kutsaka kwaloko!

Tani hiloko ku nga ri sweswo ntsena, kambe Vavanuna va Va-n'wamabindzu va Full Gospel, lava va seketalaka nhlengeletano ya mina, misava hiku angarhela—ku angarhela. Wa vona? Ndzi—ndzi rhandza vavanuna lava, wa vona, kambe nkarhi wu n'wana a ndzi pfumelelani na vona eka leswi va—va va ni—va nga... Va na—va sele kunwana, laha va nga khomelela kona, va sungurile, nakona sweswi va tifanelia na hlangano wun'wana na wun'wana kumbe swilo swin'wana. Wa vona? Naswona i ncini, a va le ku ringetenku tshama vari vapentekostal, kambe va ringeta ku hlanganisa pentekosta ni hinkwaswo swa swona ndzhawu yin'we.

⁸ Nakona va languteka eka mina tani hi Makwerhu duPlessis, wa kahle, wanuna wa kahle wo fana na yena, a tiva swinene hi Matsalwa leswaku loko a vona tintombhi leti etteleke ti ringeta ku xava Mafurha, nkarhi wu hundzile. Wa vona? Tsundzukani, loko a ta ata xava Mafurha, a kuma leswaku Mafurha ya herile. Yalawa i Matsalwa. Hiloko wansati aku, "Hi nyike Mafurha ya wena," eka Kereke, kambe wansati anga Ma kumanga. A nga ha tlulela ehenhla nale hansi, a vulavula hi tindzimi, ni swin'wana ni swin'wana, kambe, kuya hi Rito leri ri nga ra Xona Xikwembu, a nga Wu amukelanga. Nakona a ri ehandle ehandle ka munyama; laha ku nga na ku rila, ku konya, ni ku getsela ka meno, loko Mutekiwa loyi a hlawuriweke a fambile. Vanhwenyana lavo tlhariha avari na Mafurha etimbonini ta vona.

⁹ Sweswi, ndzi—ndzi tiva wanuna un'wana, swin'wana leswi nga humeleta siku rin'wana. Xana i ncini, i vanhu lava kahle, wa vona, ku kuma switsongo, ma switiva leswi ndzi swi vulaka, ku khomeleteka kuntsongo ka vanhu. Ni nchumu wo sungula mi wu tivaka, a va twa onge i Xikwembu lexi swi endlaka. Ni minkarhi yo tala, sweswo i Javulosi a swi endlaka. Wa vona?

¹⁰ Yesu u ve na nkarhi wa kuya emahlweni ka Heroda; U ve na nkarhi eka votala, naswona va lave ku N'wi tirhisa tani hi nkombiso. Wa vona?

Sweswo hi swona leswi va ringetaka ku swi endla hinkwaswo eka Pentekosta. Pentekosta yi huma eka swilo leswi, ku va yi hambana. "Ku fana na nguluve eridakeni ra yona, ni mbyana emahlateni ya yona, tlhelelani endzhaku nakambe," nakona sweswi eka Huvo ya Ecumenical. Wa vona? Swi bihe ngopfu. Swi khomisa tingana.

¹¹ Xikwembu ndzi endle lontsongo naswona loyi a titsongahataku, leswaku A ta kota ku hlavutela Ntiyiso wa Yena. Wa vona? A ndzi rhandzi ku endla sweswo; a kuna mavoni mo khanya, naswona ku hava na langavi kumbe ku hatima emisaveni. Ndzi pfumeleri ndzi teka ndlela ni vantsongo va Hosi lava tintsongahataku. Ndzi pfumeleri ndzi tshama na Rito.

¹² Sweswi loko ndzi vulavula hi Huvo ya Ecumenical leyi yi ti tiyisaka eVatican. Xana ma pfumela leswaku va nga ti tiyisa eRitweni? Va nga ha va eka nhlangano, kambe va ngaka va ngavi eRitweni. Wa vona? Sweswo hi swona. Swingaleswi a kuna ku tisegula. Wa vona? Nhlangano, hinkwaswo swa fana, xin'wana na xin'wana swa fana; swi hetisekile eka ntla, mhani na wanhwana. Kambe loko swi ta eka Rito leri, ndzi yima ndzi tiyile ku lwisana na Methodist na Baptist na Presbyterians, tani hi loko ndzi lwisana na vu-Katholiki, hikuva i mhani na wanhwana wayena, hi ku ya hi Rito leri. I Rito leri ndzi yimaka ha rona, wa vona, *Leri*, Rito rin'wana na rin'wana ra Yona.

¹³ Sweswi, makwerhu loyi wo rhandzeka, yena na nsati wa yena hi vanghana vale kusuhi swinene. Votala va n'wina mi vonile magazini, laha a swi xongile, makwerhu la rhumiweke hi Xikwembu a nga pfumelela nsati wa yena... Un'wana u n'wi byele leswaku u languteka ku fana na Jacqueline Kennedy, naswona u kamele ehenhla swin'wana swa tikhati ta kahle leti kulu ta misisi ni swin'wana. I ncini? U ti hlanganisa na muxaka lowu wa vanhu, nkarhi hinkwawo, nakona eku heteleleni...

Wanuna wa kahle a teka wansati wo biha, a nga hava wansati wa kahle na yena kumbe... Ndzi vula leswaku, wanuna wa kahle a teka wansati wo biha, a nga ha va wansati wa kahle kumbe lowa wanuna ava wanuna wo biha. Ndzi kombi lava u fambaka na vona, ndzi ta ku byela leswi u nga xiswona. Wa vona? Tinyenyana ta tinsiva tin'we, ti haha kun'we. Huma exikarhi ka lavo tinyungubyisa!

¹⁴ Ndzi tlulerile emayini, siku rin'wana, hi ndlela yoya ehenhla ka titshava ta Arizona na—na layini ya Mexico. Makwerhu Sothmann na mina, ku tshama laha, a hi ri le henhla swin'we. Naswona ndzi nghene endzeni ndzi cela xijumba xa ncini... A swi languteka ntsena tani hi nsuku. Nakona ndlela leyi a wu ta swivona leswaku a hi nsuku, a swi vangama ku tlula nsuku. A wu vangama. Kambe nsuku a wu vangami, wa pfurha. Wa vona? Nakona leswi a swi vitaniwa, "nsuku wa vuxisi." A swi nga ri na nkoka wo tlula ribyi leri a swi ri eka rona. Swi vitaniwa nsimbhi yo phayiretiwa. Ndzi ehleketa, eka—eka... Va tisayense va vula leswaku mati na ti esidi, ni swin'wana, a mangheni endzeni ka rona ku ri tiyisa ni kuri endla leswaku ri va nsuku. Swingaleswi ri—ri hatima ku antswa, kambe ari na khemikhali eka rona.

Nakona i ndlela leyi Vakreste lava va tiendlaka vapfumeri va nga xiswona, wa vona, yi ta hatima, ku fana na Hollywood. Kambe Kereke yi pfurha hi Gospeli.

¹⁵ Sweswi, sesi un'wana lahwani, Billy u ndzi kombe yena, ari kahle swinene leswaku a nga ya a ya kuma magazini wa *Life*, xifaniso lexi, a xi ba kahle, xa Tintsumi teto ta nkombo, a xi teka a xi tisa ka mina. Xexo i xifaniso. Naswona loko u xiyisia lahwani, tani hi kufamba, ku tlhandlukela endzhaku, loko Tintsumi ti tisa Hungu ra tonu, a ti ri hi xivumbeko xa phiramidi; ntsena tani hi leswi ndzi nga mi byerisa xiswona, tinhweti tinharhu swi nga si humeleta, hi ndlela leyi swi nga tava xiswona. A hi swona sweswo? [Nhlengeletano yi ku, "Amen"—Muhleri.]

Naswona Ntsumi leyi tivekaka, ni timpapa ta Yona ti ri endzhaku ematlhelo, endzhaku, ti pavalarile endzhaku, ma N'wi tsundzuka. U teri, "U na nhloko ya Yena...ku ta hi xihatla." Xana a mi kalanga mi ti vona timpapa *lahaya*? Naswona ku na Ntsumi *lahaya*, ntsena hi ndlela leyi swi nga vurisiwa xiswona.

¹⁶ Sweswi, i Xikwembu ntsena lexi nga swiendlaka. Va na xifaniso lexi nga laha, ngopfu, xa wansati la nga te... Minkarhi yo tala, vanhu va ri...

¹⁷ Eku—eku vonisiseni, vaku, “Munhu loyi u le ndzhutini wa ku fa, ndzhuti wa munyama.”

¹⁸ Sweswi va ri, “Kambe, ntsena u vula sweswo.” Wa vona, valavo i vanhu lava nga ta ka va nga fambi ndlela hinkwayo, va ngaka va nga swi voni sweswo. Va nga huwelela na wena, va nga—va nga vulavula na wena; kambe loko swi ta eku pfumeleni hinkwaswo, hi moya hinkwawo ni miri hinkwawo, ava nge swi endli.

Swingaleswi, kambe maswivona, loko Xikwembu xi ri ka yona, naswona yi vula Ntiyiso, lowu i nkarhi wo hetelela wa matimu. Lama hi wona makumu ya matimu ya misava. Ya pfala. A ku nga hevi ni nkarhi, siku rin'wana. Xikwembu xi le ku tiyisiseni ka hinkwaswo, havumbirhi swa ximoya ni swa xisayense.

¹⁹ Loko ndzi te, mufana lontsongo, “Langavi ra Rivoni, ri languteka tani hi nyeleti.”

²⁰ I va ngani va swi tsundzukaka, minkarhi ya khale, a va toloverile ku Yi vitana “Nyeleti”? Loko A vonakala enkoveni wa nambu, loko A te, “Tani hi Yohana Mukhuvuri, a rhumiweke...”

²¹ Sweswi, eku heteleleni, Yi xekele ehansi, na xifaniso xa Yona xi tekiwile. A hi toloverile kuva na yin'wana lahwani, kun'wana. Ina, vari swi herile ekhoneni; a ndza ha yi voni. Hi xisayense va vula leswaku i Ntiyiso.

²² Kambe sweswi, nakona ku vula vanhu leswaku hi le “ndzhutini.” Sweswi, hi loyi wansati, muteki wa swifaniso. Hi lexiya lahaya, hi ntolovel, ntsena kufana ni swifaniso swin'wana; ku fana na loyi a nga teka lexi, i muchini. Ndzi teri... Munhu ari ku hlamatleni ha swona. Naswona a ku ka wansati, “U le ndzhutini wa ku fa, hi mfukuzani. Ku na munyama wa ndzhuti.” U hundzulukile a teka xifaniso. Wansati a ri kona ku vula vumbhoni, naswona a ngava a ri kona kwala ni madyambu, eka hinkwaswo leswi ndzi swi tivisaka xiswona. Wa vona?

Sweswi, *hiluya* wansati a nga funengela xo fana ni ceka wa ntima. Hi swona, sweswi, ku na vumbhoni bya xisayense leswaku leswi i ntiyiso. Naswona nkarhinyana endzhaku ka loko wansati a byeriwile kuri “u hanyile,” va tekile xifaniso, naswona a yi nga hari kona. I ncini lexi xi nga ba lense? Naswona i yini xi nga sala, lexi a xi ngari—xi ngari eka lense loko a byeriwile leswaku u horisiwile? Wa vona?

Sweswi, ku yima lahwani, ku vula leswaku Tintsumi tile kuteni.

²³ Makwerhu Fred, ari un'wana...Ndzi vonile Makwerhu Fred nkarhinya lowu nga hundza. A ndzi ehleketa leswaku a ri kwalahawani, kambe u ndzi lahlekerile kun'wana. Oho, endzhaku lahawani, sweswo hi swona. A yimile eka—eka timayili timbirhi, kumbe mayili na hafu, kumbe timayili timbirhi, kusuka laha a ndzi ri kona; kutwale ku buluka, kutwala ribye, ni swin'wana ni swin'wana, loko swi hundzile swi famble. Sweswo hi swona, Makwerhu Fred?

Naswona akuri na Tintsumi leti nga va rhuma kutlherisela Hungu endzhaku. Naswona laha swi hi xivumbeko xa phiramidi, tani hi laha ndzi mi kombeke leswi swi nga tava xiswona laha, u byeriwile leswi va nga tava va yimise xiswona, ndzi nga si famba.

Xifaniso endzhaku ka xifaniso, ku tsemakanya hi tiko, swi tekiwile, swi kongomisiwa eMexico, a riri makume nharhu wa timayili kuya ehenhla na makume mbirhi-nkombo wa timayili hiku yi tsemakanya. Naswona a ri lehile leswi hambi ndzhongho kumbe kuri hava leswi...Ndzhongho a wu fambi ku tlula nhungu kumbe nkaye wa timayili, ku ya ehenhla, kutani avari handle eka ndzhawu leyi aku ngari na nchumu ku endla ndzhongho. Wa vona? Nakona leswi a kuri xiswona, ndza ehleketa kumbe makume mbirhi-nkombo wa timayili ehenhla na makume nharhu wa timayili hiku yi tsemakanya, kumbe a yi ri—a yi ri makume mbirhi...kumbe makume nharhu wa timayili ehenhla na makume mbirhi-nkombo wa timayili hiku yi tsemakanya, yin'we kumbe yin'wana. I *Life* magazini yi nga na swona, kumbe *Look*. Yona hi yihi, *Look* kumbe *Life?* *Life*, *Life* magazini. Ndza ehleketa, Mhawuri hi siku ra vu17, swi humelerile. Hi swona sweswo.

²⁴ Sweswi swi tshamise xisweswo, hi xisayense, swi kumiwile swiri Ntiyiso, swingaleswi swivula leswaku a hi—hi vilelei hambi i Ntiyiso; havumbirhi hi xisayense, na hi ximoya, naswona leswi nga vuriwa swi fanele swi humelerela. Swingaleswi, Hungu ra Swilemo swa Nkombo, eku pfalen'i ka swona, lero i Hungu ra Bibele hinkwayo. Swilemo swa Nkombo swi pfala Testamente Leyintshwa swi tlhela swi yi lemela. Walowo i ntiiyiso. Sweswi, ha swi tiva leswaku leswaku i, hi kuvula ka vuprofeta, hi xisayense, na hi Rito. Vunharhu byi nyike vumbhoni ka swona, walowo hi wona Ntiyiso.

²⁵ Swingaleswi, ha swi tiva leswaku hile nkarhini wa makumu. Hi lahawani. A ndzi swi tivi leswaku hile kule ku fika kwihi, a—a...A nge hi pfumeleli ku tiva sweswo, hikuva Kuvuya ka Yena ku tava “tani hi khamba ni vusiku.” Vanghana va mina, makwerhu wa mina, sesi, a hi tilunghiseni, swingari na mhaka. Ntsena a hi ti tengiseni. Wa vona? Hikuva, misava yi ta ya emahlweni. A va nge pfuki va swi tivile leswaku swi humelerile. Loko tinyangwa ta tintswalo ti pfariwa, vachumayeri va ta ya emahlweni va chumayela hiku ponisiwa,

va—va endla vanhu leswaku va hundzuka, swi ya emahlweni tani hi ntolovel. Swi endlekile eka tinguva tin'wana, naswona swi endlekile... Swi tava tano eka nguva ley.

Naswona ku Vutliwa swi tava swa xitshuketani ni ku hatlisa, leswaku misava yi ngaka yi nga lahlekerihi hi vona, leswaku va fambile. Hakunene. A va nge tivi nchumu ha swona. U ta ta naswona a Yi chaputa a famba. Yi tava yi fambile, a va nge tivi nchumu ha swona.

Swingaleswi, tshamani exikhongelweni. Mi ndzi khongeleta. Na mina ndzi ta mi khongeleta. A hi tivi leswaku awara yi tava yihi, kambe ha pfumela yi tava yi ri ekusuhi. Fambelani ekule ni swilo leswi swi kokaka mahlo. Tshamani na Evhangeri, wa vona, tshima kwalaho sweswi, naswona u khongela.

²⁶ Sweswi, Billy u ndzi tsalele papila lahawani, kumbe xipapilana njhe, a ku un'wana u lava ku katekiseriwela n'wana. Loko swi ri tano, (hi swona?) yimisa voko ra wena, loko van'wana... Ina, vana vambirhi. Swi lulamile, vatiseni haleno. Naswona Makwerhu Neville... Naswona ndzi nga hlamala loko sesi wa hina wa piyano a nga ta haleno ntsena xinkadyana, xa ku katekisa vana. A hi lavi ku siya na un'we.

²⁷ Sweswi, tsundzukani, hi nkarhi lowu mundzuku nimadyambu, loko Hosi yi swi rhandza, ndzi tava ndzi ri eNew York City. Naswona hi ya lahayani hi nyimpi leyi nga rivaleni, ku "Iwa nyimpi leyinene ya Ripfumelo."

²⁸ Swingaleswi ntsena kwalahawani, sesi, loko u ta swi kota. Lahawani emahlweni, kutani ndzi ta va tlakula. Ina, mhani. Inkumu. Kutani sweswi hi ya...

²⁹ I vangani lava nga ta ndzi khongeleta? [Nhlegetano yi ku, "Amen."—Muhler] Sweswi, loko Xikwembu xi swi rhandza; laha, ndza tshembha hi Yena; Sonta, hi vhiki... Loko swi lulamile Makwerhu Neville. [Makwerhu Neville aku, "Sweswo swi kahle."] Sonto, hi vhiki, ndzi ta vuya nakambe, endleleni ya mina yo ya eLouisiana, kutani ndzi yima eka nhlegetano laha ekerekeni. ["Amen."]

³⁰ Ndzi rhandza ku mi nkhensa hinkwerhu eka mafundzha ya n'wina. Nhwana yaloye a ndzi rhumeleke malekere lama nga lahaya ehenhla, ndza—ndza khensa sweswo. A ndzi n'wi tivi wanhwana leswaku i mani. Un'wana u ndzi rhumele bokisi ra malekere na swin'wana swo fana na swibolwani. Hakunene swi, swa nandziha swinene. Ndzi xurhe swona sweswi, kutani ndza—ndza nkhensa. Kutani u ehleketa leswaku swilo swintsongo a swi vuli swo tala? Hakunene swi tano; mfungho lowu ntsongo. Naswona swi hambanile leswi va swi nyikaka hi rirhandzu ra tinyiko ta vona. Naswona va komba Billy Paul, niku va nyika, ni swin'wana. Ndza—ndza swi kuma, wa vona. A mi swi tivi leswaku ndzi swi khensa njhani! Xikwembu a xi mi

katekisi. Ndzi ta swi tsundzuka, wa vona, U swi tsundzuka kangani. “Hivunyingi tani hilaha mi swi endleleke vana va Mina lava ntsongo, mi swi endlerile Mina.” Wa vona? Sweswi, tintswalo ti ta kombisiwa loko tintswalo ti nyikiwa.

³¹ Sweswi, hi na vanakulorhi va hina va kahle lavantsongo lahawani. Mi nga ha... Ndzi lava leswaku mi tshama lahaya kutani mi yimbelela *Va Ngheniseni*, endzhaku ka sweswo. Swi lulamile, n'wina vamakwerhu tanani haleno ntsena xinkadyana.

Wa mina, hi loyi wo sungula, phere leyintsongo ya mahlo ya buraweni ya ndzi languteke, ni vukulu, bya n'wayitelo. Xinhwenyetana, i mani yena... [Mhani aku, “Sharon Rose. Sharon Rose.”—Muhleri.] Sharon Rose, rero i vito ra kahle eka mina. [“Hi n'wi thyile, Makwerhu Branham, endzhaku ka wa wena.”] Endzhaku ka xinhwenyetana xa mina lexi nga hundza. [“Hi n'wi thyile a nga se tswariwa, Makwerhu Branham.”] U thyiwile a nga se tswariwa. Loko ko va xinhwanyetana, mi ta xi thya vito ra Sharon Rose. [“A hi ri na ku tshemba leswaku kutava xinhwanyetana. A fanele ava tano.”] A fanerile. [“Sharon Rose Goodman.”]

Wa tiva i yini? A ndzi tivi loko mi swi tiva kumbe minga swi tivi; loko nsati wa mina a yime laha, a ta titivila hakunene. Leyi rhoko yi fana ni ya xinhwanyetana xa mina leyi a xiri na yona hi siku ra ku katekisiwa, Sharon Rose lontsongo. Loyiwani a nga... I ngi loyi a nga hanya; laha, Xikwembu xi tekeleke wa mina ehenhla.

U mani xivongo xa wena? [Mhani aku, “Goodman.”] Manana na... U huma kwala dorobeni? [“Chicago.”] Chicago. Makwerhu na Sesi Goodman, Xikwembu a xi mi katekisi.

Ma tiva, Sharon lontsongo wa mina a ri xisweswo. A ndzi ehleketi ku nga hava kuri ni loyi a tsundzukaka leswi a langutekisa xiswona. Ari na mahlonyana ya buraweni yo fana na lawo, ku fana na mhani wa yena, xinhwenyetana xa kahle xo rhandzeka xa misisi ya ntima. Ntsena kwalomu ka...

U na malembe mangani n'wana? [Mhani aku, “Ntlhanu wa tinhweti.”—Muhleri.] Ntlhanu wa tinhweti. Ari na tinhweti ta nhungu loko Xikwembu xi n'wi vitana. Ndzi n'wi vonile, nkahrinyana endzhaku ka sweswo. Ma xitiva xitor. [“Hi na xona ekaya, eka thepi.”] Mi na xona ekaya, eka thepi.

Sharon Rose ri huma eRitweni. Ndzi swi hundzuluxile, kusuka eka, “Rose of Sharon.” Nakona U lavile un'wana lontsongo, eka vona, e altarini ya Yena, swingaleswi U xi tekile. Wa vona? Kutani ndzi tava na yena nakambe. I ngi Sharon wa n'wina lontsongo a nga hanya ku hetisia vutomi lebyi a tava a byi hanyile laha misaveni. Nakona i ngi a nga va na n'wina eku Kwetsimени, tani hi laha ndzi titwaka tani hiloko Sharon wanga a nga va na mina.

Kunjhani? Wa vona? U vulavula hi munghananyana lontsongo, vona la! Ntsena u tshamela ro n'wayitela.

A hi korhamiseni tinhloko ta hina.

Eka Xikwembu, tani hi leswi ndzi khomeke mukhomi wa nkwama lontsongo, Sharon Rose lontsongo. U tiva endzeni ka mbilu ya mina, Hosi, leswi ndzi swi ehleketa, swingaleswi a swi lavi ku hlamusetiwa. Ku katekile Hosi Xikwembu Lexi xi nyikaka juwele leyintsongo etimbilwini ta hina! Katekisa ndyangu lowu waka Goodman. I ngi vatswari lava va nga xiximeka, leswi va nga xiswona, ku va na juwele leyi ekaya. I ngi yi nga tshama ekaya ra vona, Hosi. Naswona loko kuri na mundzuku, n'wi endli wansati wo xiximeka wa mundzuku.

Kutani sweswi, Hosi Xikwembu, hi ku yingisela leswi U swi leriseke eka hina, hi xikombiso xa Wena, ku swiendila, U teke vana lavantsongo emavokweni ya Wena u va katekisa, i ku, "Tshikani vana lavantsongo va ta ka Mina." Kutani va tisile n'wana eka mina, tani hi mutirheli wa Wena, tani hi laha U vuleke leswaku vatirheli va Wena va yisa emahlweni ntirho wa Wena. Kutani laha ku yimile malandza ya Wena, Makwerhu Neville, na Makwerhu Capps, na mina. Kutani sweswi, Hosi Xikwembu, kusuka emavokweni ya tatana na manana, hi Ku nyikela Sharon Rose Goodman lontsongo, loyi hi katekisaka ntirho wa vutomi, eVitweni ra Yesu Kreste. Amen.

Xikwembu a xi mikatekisi! [Sesi Goodman a ku, "Makwerhu Branham, hi na van'wani va ntlhanu ekaya, vanhwanyana vambirhi na vafana vambirhi."—Muhler.] Ntlhanu wa lava ntsongo, handle ka loyi! ["Ina."] Swi tsakisa njhani! Xikwembu a xi ku katekisi, Makwerhu Goodman. Xikwembu a xi ku katekisi, Sesi Goodman. Naswona i ngi Hosi yi nga katekisa Sharon lontsongo!

Ku njhani, makwerhu? Sweswi a hi voneni, ndzi—ndzi... Arnett. [Tatana a ku, "Arnett."—Muhler.] Arnett. Arnett, swi kahle. ["U thyiwile endzhaku ka—u thyiwile endzhaku ka wena."] A hi swona sweswo? William, William Arnett? ["James William Arnett."] James William Arnett. Lero i jaha ra kahle. Maswitiva, swin'wana swo fana hi nga na swona, yena na mina, khale; mavito, naswona na misisi ya hina ya fanana, ma swi vona. I jaha ra kahle, Jimmy. Ehleketa leswi u n'wi vitanisaka xiswona, James? ["James."] James, kutani, swi kahle.

Ndzi nga hlamala loko ndzi nga n'wi khoma? ["A nga ku tshika."] A ndzi tivi. Sweswi, Jimmy, swi kahle, hi vanghana va ntiyiso. Wa swi tiva sweswo, a wu tano? Swi kahle.

A hi korhamiseni tinhloko ta hina.

Hosi Xikwembu, Wena la katekiseke ndyangu lowu, ndyangu wa ka Arnett na xifanyetana lexa kahle. Naswona ndza khongela leswaku U katekisa tatana wa yena, manana wa yena, na varhandziwa va yena. I Vakreste. Leswi tatana wa

yena a nga lwisa xiswona hi ku tika, mafole ya vona swin'wana swo hambana, kusuka...Siku rin'wana swi humelela, "LESWI HOSI YI SWIVULAKA." A fana ni wansati loyi a ri ku tiyiseleni kuri leswaku u ta kondza a fika kona. Hambi leswi bindzu ra yena ri n'wi hlulekiseke, ni hinkwaswo a swi tikomba swi ri eku tsandzekeni, hambi swi ri tano u kale a teka xiyenge xa mali ya yena a tshamela intavhiyu endzhaku ka intavhiyu, ku kondza mixo wun'wana a humelela. A pfumela leswaku swi ta endleka.

Sweswi u tisa mufananyana loyi U n'wi katekiseke ha yena, O Xikwembu, mihandzu ya ku hlangana ka vona. Ndzi katekisa James William Arnett loyi lontsongo, eVitweni ra Yesu Kreste. N'wi nyike vutomi lebyo leha. N'wi endle wanuna wa nkoka wa Evhangeli ya Wena ya mundzuku, loko kuri kutava na mundzuku. Kutani, eku heteleleni, eka Mfumo lowu nga ta ta, i ngi hi nga va kona swin'we. Ndzi...Malandza va Wena, hi tlhandleka mavoko ya hina ehenhla ka yena kutani n'wi katekise ha Yesu Kreste, eka vutomi lebya ntirho. Amen.

A xi ku katekisi. Xikwembu a xi ku katekisi, makwerhu. Hina van'wana va mbirhi? Lava va fana. Swi lulamile.

Ndza tshembha leswaku u nga ndzi tlakula, ematshan'weni ya ku va mina ndzi tlakula wena. Kutani loyi i...[Makwerhu Arnett a ku, "Yaloye—Yaloye i Al."—Muhleri.] Alfred, kutani Al na Martha. Tshika nhlengeletano, ndzi rhandza leswaku va vona vana. Ndza ehleketa, loko va hari vantsongo, vantsanana, va tsakisa.

Sweswi a hi tlhandlekeni mavoko ehenhla ka vona.

Tani hi ntolovel, Xikwembu xa Matimba hinkawo, hina malandza ya Wena, hi tlhandleka mavoko ya hina ehenhla ka vana lava, makwerhu lontsongo na makwerhu na sesi loyi lontsongo leswaku va katekisiwa lahwani. Hi tlhandleka mavoko ya hina ehenhla ka vona ku—ku katekisiwa, kusuka eka manana na tatana, kuya eka mavoko ya Yesu Kreste, ku va vutomi bya ntirho, eVitweni ra Yesu Kreste. Amen.

Xikwembu a xi mikatekisi, Al na Martha. Sesi, swi tsakisa ngopfu ku ku vona nakambe. Hosi yi va na wena.

Loyi nakulorhi lontsongo, wa mina, i mufana wa kahle. A ndzi tollovele ku avanyisa misisi ya mina ku fana na sweswo. Wa vona? I mani vito ra yena? [Tatana a ku, "Terrell Keith Walker."—Muhleri.] Ke-...[“Terrell Keith Walker.”] Herrell Keith Walker. Mufana wa kahle!

Ndza hlamlala, ntsena a ndzi tivi, wa vona. U languta eka mina ku fana ni loko a nga va tano. Kuhlamlala loko ndzi nga n'wi khoma? [N'wana a vulavula—Muhleri.] Hi swona sweswo, Keith? Oho, i mufana wa kahle. Hakunene. A hi yena murhandziwa wa mufananyana? Herrell. [Manana a ku, "Terrell."] Herrell, Terrell Keith Walker.

Xikwembu xa Matimba hinkwawo, kusuka eka mavoko ya vatswari ku ya eka mavoko ya Yesu Kreste, Terrell Keith Walker lontsongo, hi tlhandleka mavoko ya hina ehenhla ka yena eku n'wi katekisa ka Xikwembu xa Matimba hinkwawo. Tani hi ku tsakela ka tatana na manana leswaku n'wana loyi u ta kurisiwa eku dyondzisiweni hi Xikwembu. Loko kuri ni mundzuku, n'wi endli mutirheli wa nkoka wa ku katekisiwa loku, tani hi hina malandza ya Wena hi tlhandlekeke mavoko ya hina ehenhla ka n'wana loyi na ku n'wi katekisa eka Hosi Yesu Kreste. Amen.

A xi ku katekisi, Makwerhu Walker. Xana loyi i Sesi Walker? [Sesi Walker a ku, "Ina, nkulukumba."—Muhleri.] Swa tsakisa hakunene. U na mufana wa kahle, naswona i ngi Xikwembu xi nga ku katekisa.

[Makwerhu Gramby a vulavula na Makwerhu Branham—Muhleri.] Swi lulamile, nkulukumba. [Makwerhu Gramby a yisa emahlweni ku vulavula.] Ina. ["Kutani u n'wi khongelerile loko a ha kutswariwa. U tswariwile a ri na bundu erihlayeni ra yena. Kutani u n'wi khongelerile, kutani xexo xi famba xikan'we kan'we."] Xinhwenyetana lexi, i Makwerhu Grimsley wa hina...[Makwerhu a ku, "Gramby."] Gramby. Ndzi—ndzi kuma sweswo swi hlangananile. Ndzi kume Makwerhu Grimsley, ndzi tshamela ro ehleketa...Makwerhu Gramby a tisa xinhwenyetana lexi. Kutani loko xa ha kutswariwa, a ri na bundu lerikulu exikandzeni xa yena. Kutani ndzi n'wi khongelerile, kutani bundu ri fambile. Kutani sweswi va lava ku khongela, hikuva...Xana vatswari i va-Kreste? ["A hi va-Kreste."] A hi va-Kreste. Kutani va chava leswaku mimoya leyo biha yi va tekela n'wana, kutani va lava leswaku yi hlongoriwa.

A hi khongeleni.

Hosi Yesu, ehenhleni ka n'wana loyi lontsongo, tani hi leswi a korhameleke e altareni...Laha, U kombiseke tintswalo, hi ku susa mpingu wa bundu hi le non'weni wa rona. Sweswi mimoya leyo biha yi ringeta ku teka vutomi bya n'wana. Akuna ku kanakana leswaku U ta tirhisa nhwana loyi, kutani u kunguhata ku swi endla, kutani Sathani u ringeta ku kanganyisa makungu. Hikokwalaho, hi hlasela Sathani, eVitweni ra Yesu Kreste, ku teka mavoko ya—ya yena na vuyena ekule ni n'wana loyi; tani hi loko hi n'wi nyika eka Hosi Yesu Kreste, ku kateka ka Xikwembu. Amen.

Makwerhu Gramby, wa pfumela. N'wana i tsanana swinene leswaku a nga va na ripfumelo, kambe u ta va na rona.

³² Ndza N'wi rhandza. N'wina ke? [Nhlelgeletano yi ku, "Amen."—Muhleri.] U sasekile.

Sweswi, hinkwerhu, ndza tshembhisa emadyambyini lawa leswaku ndzi ta huma hi hafu ku bile awara ya nhungu,

swingaleswi sweswo swi ndzi nyika hafu ya awara. A ndzi tivi nchumu sweswi ha sweswo. Ndzi nga ha va ndzi letile swintsongo kutlula sweswo. Kambe sweswi a hi...

³³ Ndzi tsakile ku vona Makwerhu Dauch laha mixo lowu. Kutani a ndzi tivi leswaku vavanuna lavan'wana va yile kwihi; kambe mixo lowu, loko a nga va na mupfuni, a kuri na wanuna a tshamile le ndzhaku leniya, a kuri mupfuni wa yena lowo hetiseka. Ndzi te, "Hi wihi Makwerhu Dauch?" Ndzi langute endzhaku na le mahlweni, nakona ndzi ya eku xithyeni vito; nakona a ndzi phutseriwile swinene eHungwini. Wa tiva, Makwerhu Dauch, ntsena u languteka tani hiloko u swi endlile. Ndza tsaka swinene ku n'wi vona ari ka xiyimo xexo.

³⁴ Hi xinkadyana, ndzi vile na ku vitaniwa kusuka eka mpfuka wa le kule eTucson, ku n'wi khongelela nakambe, swin'wana swihumelerile eka yena. Makwerhu Dauch u, ndza ehlketa, makume nkaye kumbe ku nga va makume nkaye-n'we. I makume nkaye wa malembe hi vukhale, ndza pfumela, kumbe makume nkaye-n'we. Kutani miri wa wena wu kuma ku tsutsumela hansi. Kambe, "Votala vakarhateka eka leswo lulama, kambe Xikwembu xi n'wi kutsurile ka hinkwaswo ka swona." Kutani nkarhi wun'wana, loko miri wu kumeka eka ndzhawu leyi wu nga taka wu nga ha khomani kun'we, ndza swi tiva u le ku khomeni ka Voko. Anga tshuri wa thyaka, Xikwembu xi tshembhisile ku wu pfuxa nakambe, emasikwini ya makumu. Nakona ndza nkhensa swinene.

³⁵ Ndzi tsundzuka Makwerhu Dauch, loko a ta exiziveni laha kuta khuvuriwa hi Vito ra Yesu Kreste, kutani angari na swiambalo swo khuvuriwa ha swona laha, kambe u lavile ku famba hi ndlela yi n'wana. Nakona Xikwembu xive na tintswalo eka wanuna ya loye. Ntsena ehlketa, u tlule hi makume mbirhi wa malembe kutlula nkarhi lowo Xikwembu xi n'wi tshembhiseke. Wa vona? Loko teto ku ngari tintswalo!

A ha etlele, siku rin'wana, ni ku tsandzeka loku heleleke ka mbilu, ni ku khomiwa hi mbilu, wa vona, ehenhleni ka sweswo. Nakona loko Xikwembu xi nga hanyisi wanuna ya loye niku n'wi yimisa kusuka kwalaho, hi nkarhi wolowo. Nakona ndza pfumela, hi mpfhuka ka sweswo, munthshunguri wa yena u lovile. A hi swona sweswo? Ndza twisi-...Ina, leswaku hambi n'anga, n'anga ya mu-Yuda leyi—leyi a yi n'wi tshungula, ni swin'wana, ni ku yima eholweni kutani u vulavula na mina ha yena, u fambile. Wa vona?

Wa mina, i kangani, ri ente njhani rirhandzu ra Wena, O Hosi! Ri kule njhani rirhandzu ra Wena!

³⁶ Sweswi, hina swidukwana laha hi yaka eku swi khongeleleni, ntsena xinkadyana. Kambe ndzi ta vulavula na n'wina swintsongo hi ripfumelo, kutani hi ta vona laha Hosi yi

hi yisaka kona, lexi hi yaka eku xiendleni kuya emahlweni. Kunene, a hi swi tshikeleni Yena, ya leyo i ndlela ya kahle. Oho, ku tshama kun'we etindzhawini ta le Tilweni!

³⁷ Ndzi vulavule ni van'wani va vanghana va mina, namutlha, loko ndzi huma eka Blue Boar lahaya. Hiloko ndzi ku, "Mi ta tshamela xikhongelo?"

³⁸ "Ina."

³⁹ Ndzi ku, "Mi ta fanela ku chayela ku fika awara ya khume mbirhi kumbe awara ya n'we." Va pimanyeta ku fika ekaya hi awara ya ntsevu nimixo, tindlela to leha. Tsundzukani, i vanhu, va karhala ku fana na mina. Kuya fika eTennessee, na ku rhendzeleka, va le ku fambeni. Hosi a yi va katekisi.

⁴⁰ Kuna swilo swo tala ndzi nga swi vulaka; ndzi teka ntsena nkarhi hinkwawo. Kambe ndzi—ndzi nge koti kumi vona nkarhi hinkwawo, kutani ndzi—ndzi—ndzi rhandza ku vulavula na n'wina, hi ndlela yin'wana. Kambe loko ndzi nga koti ku mi byela hinkwaswo ndzi swi ehleketa ha n'wina, lahawani,... Wa vona?

Ndzi lava ku byela va makwerhu va vona. Van'wana va vona va hangalasile tikereke ta vona.

⁴¹ Makwerhu Jackson, lahawani mixo lowu, u nyike vu Hundzuluxeri byo saseka bya—bya ndzimi leyi nga tiviwiki leyi makwerhu un'wana a yi vulavuleke, kutani a tiyisisa kumbe kuseketela leswaku A kuri Xikwembu. Mikale mi swi xiysisa, A nga kalanga aku Swi hoxekile, A nga kalanga a vula leswaku a Swi ri swona; ntsena U lo nyika xitshinyo xa ku yingisa. Wa vona? Wa vona? Swingaleswi, Makwerhu Junior a ri laha ni mixo lowu, kutani u hangalasa kereke ya yena.

Kutani ndza swi twisia leswaku un'wana wa vabuti kusuka le hansi...eka tikereke tin'wana, kusuka kwala eSellersburg.

⁴² Nakona—nakona Makwerhu Ruddell, a ri laha ni mixo. A ndzi tivi loko va ri laha madyambu lawa kumbe va nga ri kona. Swi lulamile, lahawani nakambe emadyambyini lawa! Kambe, Hosi a yi mikatekisi, Makwerhu Ruddell. Na n'wina....

Ndza tsandzeka ku swi hlamusela, leswi ndzi swi ehleketa. Kambe kumbexana... Kambe, loko hi ya eka tlheloheli leri n'wana, ndzi lava ku tshama na n'wina ku ringana khume ra magidi wa malembe, hi ku hambanana, maswivona. Swingaleswi, wa vona, hi ta vulavula hi swona hinkwaswo.

⁴³ Nakona loko ntshovelo wu vupfile, ni vatirhi va ri vantsongo, a hi celeni kahle endzeni ka yona, hi ku kanganyisa ku nga hava kuri ni mudyohi a tshameke ethelohelo. Ku nga ha va ni un'wana madyambu lawa loyi a nga cincaka dyondzo hinkwayo.

Nakona loko ku ngari nkarhi wona, mixo lowu, madyambu lawa hi nga ha pfala ti Buku. Tsundzukani, a ku nge he vi na un'we a nghanaka loko mavito ya bona ma kutsuriwa.

Ku nga se fika, sweswi, un'wana na un'wana a yingiseli swinene ndzi nga si hlaya Matsalwa.

⁴⁴ Hinkwaswo leswi nga ta kutsuriwa, Xikwembu xi veke mavito ya bona eBukwini ya Xinyimpfana xa Vutomi misava yi nga si ntumbuluxiwa. I vangani va swi tivaka sweswo? Yalawa i Matsalwa. [xivati lexi nga riki na uchumu eka thepi.—Muhleri.] Kutani antikreste, emasikwini ya makumu, u ta va ekusuhi swinene tani hi nchumu wa ntiyiso, Kereke ya ntiyiso, swin'wana ni swin'wana tani hi leswi Judas a ri xiswona, kufikela laha swi hambukisaka Vahlawuriwa loko swi nga endleka. A hi swona sweswo? Kambe ku hava munhu loyi a nga taka ka Yesu handle ka loko Xikwembu xi n'wi tshuneta, ni hinkwaswo leswi Xikwembu xi nga N'wi nyika swona swi tata eka Yena. Niloko A teka Buku ya leyo, vito ro hetelela...

⁴⁵ Wa bona, hinkwavo eka nguva ya Lutheran, U va kokele handle. Hinkwavo eka nguva ya Wesley, U va kokele handle. Tinguva hi nkawato leti hambaneke, ni nguva ya Pentekosta, U va kokerile ehandle. Va lahawani, vange avanyisiwi na bona. Va le ku vutleriweni. Kutani loko vito ro hetelela ri humela handle, leri ri vekiweke eBukwini ya Xinyimpfana ya Vutomi, lexi xi nga dlayiwa ku nga si va ni masungulo ya misava; loko vito lero ro hetelela ri kutsuriwile, ntirho wa Yena wu hetisekile, U tela ku koxa leswi A swi kutsuleke. Sweswo swi endla timbilu ta hina timpfempfa ngati. Kambe loko swiya emahlweni malembe ya magidi lawa ya hundzeke, a kuta pfumaleke ni un'we loyi a kutsuriweke.

Nakona ku hava loyi a nga kutsuriwaka handle ka loko a vekiwile eBukwini ya Xinyimpfana ya Vutomi ku nga si va ni masungulo ya misava. I va mani? A ndzi tivi. Ku hava loyi a swi tivaka, wa bona, ntsena Xikwembu xi ri xoxe. Ndza tshembha leswaku un'wana ni un'wana wa hina, mavito ya hina yale Bukwini. Loko ra mina ri ri kwalahaya, ndza pfumela leswaku ri kwa lahaya; loko ri nga ri kona, a ndzi ngevi kona lahaya. Hi swona hinkwaswo sweswo. Wa bona, ntsena, sweswo swile henhla ka Xikwembu. “A hi yena a swi tsakelaka, loyi a swi hlongorisaka, kambe Xikwembu lexi xi kombetaka tintswalo.” Wa bona?

⁴⁶ Sweswi a hi tshuneleleni Rito, ni hinkwako ku xixima ni kutshembheka. Nakona ndza ehleketa leswaku walowo i nchumu wun'we hi bohekaka ku wu endla, wa bona. A hi tshikeni hansahansa ya leyo hi nkwayo! Hi xixima, niku tshembeka!

Ndzi xiyisisile lava hlambanyaka minkarhi yin'wana loko va... Eka thelevhixini, loko va vile na nhlengeletano ya Billy

Graham; ku hava lexi lwisanaka na Billy Graham. Kambe ehandle lahaya eCalifornia, wanuna u chumayele hungu ro saseka madyambu lawa hundzeke; a chumayela swo fana na leswi ndzi swi chumayeleke laha ku nga ri khale, eka Daniel, "U ringanisiwile hi xikalo kutani u kumiwa a ri la vevukeke." I vangani va swi voneke? Votala va n'wina, ndza vhumba.

⁴⁷ Langutani, xana mi kale mi xiyisisa leswaku vanhu lava va huma a swihlaleni, va ri eku cakunyheni ka tichingama, vahlekelela, va banana? Sweswo a hi ku famba exikarhi ka rifu na Vutomi. Sweswo a hi ku kombela ku khomeriwa ka xidyo, na ku hundzuka. Wa vona? Kova ntsena leswi Billy a swi vuleke, "Ku endla kungu." Na ku titimela, ku khensa ka tihlo leri omeke, xiboho, a hi nchumu, ku ngari nchumu. U fanele ku tisola eka vudyoho, kutani u hundzuka eka byona.

Nakona Billy hi yexe u te, "Swi vula leswaku, ehandle ka makume nharhu wa magidi, u ngaka u nga kumi makume nharhu hi lembe." A ku, siku rin'wana, "Ku humeleta yini hi New York? Ndzi vile na hlengelatano leyikulu kwalahaya, nakona ku humeleta yini? Xidyo xi nyanyile ku tlula leswi a xi ri xiswona."

⁴⁸ Nakona xitaya emahlweni xi nyanya. A ku nge hevi ni ku-...ku hundzuka ka tiko. Hikuva tiko ri tava ri fambile. Ntsena n'wina, mi ri n'wexe; nakona loko swi ta va swi herile, loko swi nga humeletanga. Sweswi, ntsena swi tsali sweswo ehansi, n'wina vana lavantsongo. Vonani laha a nga kona Makwerhu Branham...A ka hari Makwerhu Branham. Sweswo hi leswi ndzi nga swi vula swi kahle kumbe swi hoxekile. Xidyo xi ta nyanya ku kondza siku rin'wana loko xibakabaka xi ta khoma ndzilo, xi ta wela emisaveni, kutani misava yi ta tshwa hi ku hisa lokukulu. Kambe, Vakutsuriwa va ta va vanga hari kona hi nkarhi walowo, va tava va fambile.

⁴⁹ Sweswi eka Buku ya Mukwetsimi Marka ndzimana ya vu11, Yohana wo Sungula 4:4 na Matewu 28:20, ndzi navela ku hlaya.

⁵⁰ Sweswi, xosungula, ndzi tsakela ku hlaya kusuka ka Mukwetsimi Marka, ndzimana ya vu11, vheze ya vu12 ku fika eka ya vu24.

Yingiselani swinene sweswi loko ha ha yi hlaya. Kutani sweswi leswi swi ta tiyisa vumbhoni lebyintsongo, ni marito mantsongo yo khongotela, kutani hi ta vona leswi Hosi yi nga ta lava leswaku hi swi endla. Hinkwerhu a hi tshamiseni xi sweswo kutani mikhongela, tani hi loko ha ha hlaya.

⁵¹ Marka 11:12.

Ni mpundzu, loko va . . . huma Betania, a twa ndlala:

Kutani a vona emurhi wa nkuwa lowu nga ni matluka, a hambuka, loko hi kutsaka a kamba kumbe

a nga kuma nchumu eka wona: kambe loko a fika ka wona, a nga kumanga nchumu loko ma nga ri matluka ntseña; hikuva a wu nga ri nkarhi wa makuwa.

Kutani Yesu a ku ka wona, Ku sungula sweswi a ku nga ha vi na munhu la nga ta dya mihadzu ya wena hi laha ku nga heriki. Vadyondzisiwa va yena a va ri karhi va swi twa.

Kutani va fika Yerusalem: Kute loko Yesu a nghenile tempeleni, a sungula ku hlongola lava xavisaka ni lava xavaka tempeleni, a wisa matafula ya lava bindzurisaka mali, ni switshamo swa lava xavisaka matuva.

Na swona a nga pfumelelanga munhu eku tsemakanya tempeleni a rhwala nchumu.

Kutani a dyondzisa, a ku ka vona, Ku...tsariwile, yindlu ya Tatana wa Mina yi ta...vuriwa yindlu ya xikhongelo ya matiko hi nkawao? kasi n'wina mi yi endile bako ra makhamba.

Kambe vatsari ni vaprista lavakulu loko va n'wi twa a vula sweswo, va lava hi laha va nga n'wi lovisaka hakona; hikuva a va—hikuva a va n'wi chava, hikuva tiko hinkwaro a ri hlamala dyondzo ya yena.

Kute loko ri perile, a huma mutini.

Ni mixo, (leri a ku ri siku rin'wana), loko va hundza, va vona murhi wu omile hinkwako ku sungula hi timintsu.

Ku nga si hela makume mbirhi-mune wa tiawara, mahlori ma endlekarile, endzhaku ka loko A lerisile eka vona, "A kuna munhu a nga dyaka." Ku hava, ku languteka loku, a ku humelerile; kambe, hi siku leri landzelaka, a ku omile.

Kutani Petro a anakanya a ku ka yena, Rabi, vona, murhi wa nkuwa lowu u wu rhuketeleke wu omile.

...Yesu a n'wi hlamula, a ku ka vona, Vanani na ripfumelo eka Xikwembu.

Ndzi tiyisile ndzi ri ka n'wina, Un'wana ni un'wana la nge ka tshava leyji, Suka, u ya tihoxa lwandle; a nga kanakani embilwini ya yena, kambe a pfumela leswaku leswi a swi vulaka swi nga endleka; u ta endleriwa hinkwaswo leswi a swi vuleke.

Hikokwalaho ndzi ri ka n'wina, Hinkwaswo leswi mi swi kombelaka, loko mi khongela, pfumelani leswaku mi swi nyikiwile, kutani mi ta endleriwa swona.

Kungaku loko mi yima mi khongela, rivalelana, ni loyi mi nga va ni mhaka na yena: leswaku na yena Tata wa n'wina la nge matilweni a mi rivalela eku dyoheni ka n'wina.

Hikuva loko mi nga rivaleli van'wana, Tatana wa n'wina la nge matilweni na yena a ngaka a nga mi rivaleri ku dyoha ka n'wina. (Ku na swi pimelo.)

- ⁵² Sweswi ndzi tsakela ku hlaya Yohana wo Sungula 4:4.

Loko mi ri n'wina, vana va nga, mi va Xikwembu, kutani mi va hlurile: hikuva . . . (yingisa swinene) . . . la ngaka n'wina, u tlula hi vukulu la nga misaveni.

- ⁵³ Ndzi nga yi hlaya nakambe sweswi.

Loko mi ri n'wina, vana va nga, mi va Xikwembu, kutani mi va hlurile: (kuvulavula hi antikreste), hikuva la nga ka n'wina, u tlula hi vukulu la nga misaveni.

Maviti mambirhi, wa vona, “la,” riviti ra yumunhu; “la” nge misaveni, nakona “La” nga ka n'wina. “La nga ka n'wina u tlula la nga misaveni.”

- ⁵⁴ Sweswi, naswona eka—eka ndzimana ya vu²⁸ ra Mukwetsimi Matewu, ndzimana ya vu²⁰.

Mi va dyondzisa ku hlayisa hikwaswo leswi ndzi mi leriseke swona: . . . kutani vonani, Ndzi na n'wina hi masiku hikwawo, ku ko ku hela misava.

- ⁵⁵ Sweswi nhloko-mhaka kusuka kwalaho, madyambu lawa, ndzi rhandza ku tirhisa leswi tani hi nhloko-mhaka: *La Nga Ka N'wina*. Kutani eka leswi ndzi rhandza ku aka ripfumelo, hakunene, eka ntirho wa xikhongelo. Nakona ntsena tani hi ku hatlisa . . .

- ⁵⁶ Sweswi, swi hi leswi ndzi mi byeriseke swona, ndzi rhandza ku mi yisa eka mhaka leyi nga humeleta. Kutani tani hi ntolovelu ndza yima ku kondza ndzi ta e-ekerekenei lahawani, ku vula timhaka. Kutani loko van'wana va rhandza ku ti twa, va nga ti kuma eka tithepi. Kambe ndzi yima ku kondza ndzi va lahawani.

Nakona ku na, swi nga ri swingani, eka mhaka leyi ndzi nga ta mi byela sweswi, ku na vanhu vo hlaya nyana lava nga timbboni ta swona, vamakwerhu va Vakreste. Un'wana loyi a nga kona, i Makwerhu Banks Woods. Un'wana loyi a ri kona, i Makwerhu David Woods. Un'wana, loyi a nga kona lahawani, i Makwerhu Evans na jaha ra yena, Ronald. Un'wana loyi a ri kona, i mudiyakoni wa hina, Makwerhu Wheeler. Ni va n'wana, va nga kona, i Makwerhu Mann. Xana Makwerhu Mann u kona laha, kusuka eNew Albany? Muchumayeri wa mu-Methodist loyi ndzi nga n'wi khuvula hi Vito ra Yesu Kreste, sweswi nyana, a ri kona, na kambe, loko leswi swi humeleta.

- ⁵⁷ I swa nkarhi wu n'wana, malembe mantsongo, laha a ndzi ri na mpingo exifueni xa mina laha a ndzi . . . embilwini ya mina. A swi twakala eka mina onge hi loko ndzi endle swin'wana leswi nga hoxeka. Nakona ndzi kambisisile vutomi bya mina,

ku vuyelela na ku vuyelela na ku vuyelela, ku vona leswi hoxekeke. “Hosi, loko—loko ndzi endle swin’wana swo ka swi nga ri kahle, ntsena Wena swi hlavutele eka mina, leswi nga hoxeka, nakona ndzi ta ya swi lulamisa.” Kambe ku hava lexi nga hlavuteriwaka eka mina. Ndzi ta ku, “Xana ndzi vavise un’wana xana? Xana ndzi tshike ku endla swin’wana xana? Xana ndzi...ndzi hlayile ku ringana? Xana ndzi khongerile ku ringana?” Kutani ndzi ta hlaya ni ku khongela. Nakona—nakona ndzi—ndzi ta ku, “Ndzi hlavuteli swona. Xana ndzi vavise un’wana, kun’wana? Loko ndzi swi endlile, ndzi ta swi lulamisa. Ntsena ndzi kombi; A ndzi wu lavi mpingo lowu.” Nakona ku sukela ntlhanu wa malembe, loko ndzi vuyile ensin’wini, ku na mpingo lowu tikaka embilwini ya mina.

⁵⁸ Ndzi yile etitshaveni. Ndzi yile elwandle. Ndzi yile hinkwako, ndzi khongela na ku khongela na ku khongela, kutani a swi suki. Kutani ndzi ehlekete hinkwaswo, loko ndzi endlile swin’wana. Kambe swi, nakambe, a swi suki; a ndzi ri mubohiwa, tani hi sweswo.

Kutani swa chavisa lero sweswo swi ta tlakuriwa ntsena i Hungu leri nga ta ta, wa vona, ra mixo lowu. Sweswi, xana i Xikwembu xi khomeke endzhaku ka leswi? A ndzi tivi. Wa vona, ndzi... Swilo leswi hinkwaswo a swi ri miehleketweni ya mina. U nga ha swivona leswi swi nga embilwini ya munhu loko u veka na sweswo, wa vona, ku ehleketa leswi swi nga tekaka ndzhawu; kutani, tiva, ku byela vanhu, ku twa leswaku van’wana va nga anakanya hi ndlela yo hoxeka, kutani van’wana va nga famba hi ndlela *leyi*, ni ndlela ya *leyo*. Kutani mi tiva leswi swi nga xiswona. Nakona van’wani va ta pfumela, nakona va n’wana va nge pfumeri. Nakona, kambe sweswo hi leswi mi nga ta swi vekisa xiswona.

⁵⁹ U nga vula njhani leswaku a swi vavisi? U nga swi vula njhani, leswaku swi nga ku khumba? U nga swi vula njhani, ku komba vanhu leswaku a wu—wu nga hlawuli eka vona, leswaku wa va rhandza? Xana u nga kongoma njhani ni vuxopa-xopa, hambi swi ri tano u va ni rirhandzu? Nakona, oho, xana u ta swi yimela njhani? Kutani khombo eka mina loko ndzi nga swi hundzisi! Wa vona? Nakona se mata. Wa vona? A swi hlamarisi, loko swi michavisa niku mi handzulela.

⁶⁰ Ndzi huma e—e...ndzi huma eArizona, ku ta hlangana na vamakwerhu lahwani, lava a va hlota na mina eColorado, lembe rin’wana.

Sweswi, vanhu van’wana va hlamarile, “Hikokwalaho ka yini u hlota? I yini swi ku endlaka tano?”

Wa vona, *lahawani*, mi le ku xurheni, ndzi humesa hinkwaswo; *lahaya*, ni le ku tateni, ndzi sala ndzi nga ri na nchumu. Wa vona? Sweswi, a ndzi duvuli swiharhi. Hikokwalaho ka yini, vanhu, un’wani ni un’wani loyi a

fambaka na mina, wa swi tiva leswaku ndzi hundzile hi le swiharhi swa madzana ya mithlambi kutani a ndzi swi khumbhang. A ndzi zanga.

⁶¹ Sweswi, lahawani ku nga ri khale ngopfu, ndzi sungurile ku duvula swiharhi swa va-Kreste va va n'wa-mabindzu, loko va ya henhla va vula va ku, "Billy, ndzi kumeli nkuzi, ndzi kumeli ntswele, ndzi kumeli xiharhi lexikulu, ndzi kumeli *leswi*, kumbe *sweswo*, kumbe *swin'wana*." Ntsena ndzi ta ya ndzi ya duvula xiharhi, kusuka exineneni na le ximatsini. Hosi ya ndzi pfuna leswaku ndzi vona na ku kuma xiharhi, na maduvulelo lamanene ya kahle, kutani ndzi swi ba. Nakona—nakona ntsena vatshama va vulavula hi bindzu ra vona.

⁶² Kutani Hosi yi ndzi byele leswaku ndzi nga ha swi endli na kambe. Nakona a—a ndzi titwi kahle ha swona, swingaleswi ndzi Xi tshembhisile leswaku a ndzi nge he swi endli nakambe. Ee. Ndzi ku, "Loko kuri swa xihatla kutani un'wana a swi lava, ndzi ta swi endla. Kambe loko va nga swi lavi, a ndzi nga swi endli." Ntsena vanhu va vona, va na mali yo tala ku xava nyama ya homu na *swin'wana*. Swingaleswi hikokwalaho ka yini ndzi endla *sweswo*? Tshika xiharhi xi hanya loko u nga ri na ntirho na xona.

⁶³ Swingaleswi ndzi famba leswaku ndzi va ndzexe. Kutani munhu un'wana na un'wana, loyi a nga tshama a ya ekuhlotenii na mina, wa swi tiva leswaku a ndzi hloti na munhu. Ndzi famba ndzi ri ndzexe, leswaku ndzi va ndzexe. Ndzi famba na vona, leswaku hi va ni xinakulobye ni madyambu, hi yima hi nkwako na ku khongela, ni kuya emahlwени.

Kambe ku ni va vuri va rito va n'wana vo tala lahaya. A ku ri ni, ehenhla etintshaveni lembe leri, a kuri Makwerhu wa hina Palmer. Ndza pfumela ndzi n'wi vone kun'wanyana ku nga ri khale... Hi loyiwani, a tshameke laha, Makwerhu Palmer. Na Makwerhu Bob Lambert, a ri lahawani mixo lowu, ndzi n'wi twile a huwelela a ri kun'wana. Ndza vhumba leswaku wa hari kona. Nakona a ku ri na makwerhu... majaha mambirhi ya ka Martin, ndza vhumba leswaku va kona laha wani. Xana va kona, majaha ya ka Martin? Makwerhu, Makwerhu Martin. U ndzi vitanile siku rin'wana, sweswo a swi ri kahle. Jaha lero ri horisiwile, makwerhu loyi wa muministara.

⁶⁴ Xana u kona, loyi ndzi nga n'wi khongeleta, hi foyinini, siku rin'wana? Ndzi rivèle vito ra yena, kusuka eArkansas lahaya. Nsati wa yena u ndzi vitanile; wanuna a pfimbile etlhelo, ni ku rhurhumela loku kulu, a ri ku feni. Yena wanuna loyi a nga vitaniwa, ehansi eka—eka Little Rock, kumbe nhlengeletano ya le Hot Springs, ku tshama enhlengeletanweni.

Nakona i nakolorhi wo languteka kahle. Loko a ri lahawani, ndza vhumba leswaku a nge yimi sweswi, eka

hinkwaswo. Kambe ndzi rivele vito ra yena. A ndza ha tsundzuki vito ra yena.[Un'wana a ku, "Makwerhu Blair." — Muhleri.] Blair, Makwerhu Blair. Un'wana . . .

Kambe, sweswi, ku tshama eka nhlengeletano eLittle Rock, i vangani lava a va ri kona, ndzi vula, eHot Springs, i vangani lava a va ri enhlengeletanweni? Kutani Moya wo Kwetsima wu vitane makwerhu lontsongo kutani wu n'wi byela leswaku Javulosi a ringeta ku n'wi endla leswaku a ndzi landzula, ku vula leswaku ndzi "muprofeta wa mavunwa." Nakona wanuna u mbhoniyerile leswaku a ku ri ntiyiso. Ma swi vona leswaku Javulosi a ri ku swi endleni? Wanuna a nga yi eka vadokodela. A nga pfumeli eka ku ya eka vadokodela. Kambe Sathani a swi tiva leswaku vuvabyi lebyi byi ta n'wi dlaya, kutani a ta n'wi dlayela kwalahaya. Wa vona? Swingaleswi a ringeta ku endla leswaku a ndzi landzula. Kutani Moya wo Kwetsima, etintswalweni, wu n'wi vitana kutani wu n'wi byela leswaku a nga swi endli sweswo; wanuna, a ri wa matiko, wu n'wi byela leswaku a nga swi endli sweswo.

⁶⁵ Kutani madyambu man'wana, nsati wa yena u ndzi vitanile aku, "Makwerhu Branham, ndza pfumela leswaku u le ku feni." Aku, "U—u pfimbile. Nakona, ku rhurhumela ka yena, u le handle ka nhloko ya yena, ekusuhi." Hiloko aku, "Xilo xo hetelela a xi vuleke, 'Vitana Makwerhu Branham.'"

Ndzi ku, "U na swin'wana, xipachi lexi nga na xidukwana?"

"Ee." A ndzi ri eTucson; wansati a ri e Arkansas.

Hiloko ndzi ku, "U na yini xana?"

Wansati aku, ndza pfumela, "xikhafu" xa wena.

Ndzi ku, "Sweswi veka voko ra wena ehenhla ka xikhafu, kutani u khoma riqingho hi voko lerin'wana." Kutana ndza khongela niku kombela Xikwembu leswaku xi va ni tintswalo ni ku alela nala yaloye.

⁶⁶ Kutani a famba a ya tlhandleka xikhafu ehenhla ka wanuna. Kutani mixo lowu landzelaka, u ndzi vitanile.

Sweswi, eka kwalomu ka makume mbirhi-mune wa ti awara, kumbe ehansi ka teto.

⁶⁷ Makwerhu wa hina lowo saseka, a ndzi se n'wi vona madyambu lawa, Makwerhu Roy Roberson. Kutani xikan'we-kan'we, wativa, Makwerhu Roy a ri wa muxaka wa wanuna wa musirheleli. Loko a ri lahwani, ndza—ndza tshembha wa swi twisisa, hikuva a—a—a ndzi swi avanyiseli sweswo. Kambe xin'wana na xin'wana xa kongoma, ari sejeni eka Vuthu, ma swi tiva, kutani u fanela ava muxaka wo kota ku khoma wanuna tani hi leswi va endlisaka xiswona eka Vuthu. "Kambe, swilo leswi swa ximoya eka munhu un'wana," ku

ngari yena! Kambe Hosi yin'wi hlayisile. A fanele a va la feke; va n'wi etlerisile ehandle ka vafi, nkarhi wo leha. Hosi yi n'wi hanyisile; u landzelerile ku sukela. Kambe hinkwaswo swilo leswi swa ximoya, a nga swi tivi, na swi vono.

⁶⁸ Nakona lahawani ku nga ri khale ngopfu, vo tala va xi tiva xivono lexi nyikiweke Makwerhu Roy hambi leswi a ndzi nga si ya kwalahaya, mayelana na yena u ndzi vonile ndzi yimile ehenhla ka ntshava kwalahaya, eka Rivoni lero, na Rito leri ri teke eka mina. Leri ri suseke ku kanakana ka Makwerhu Roy.

⁶⁹ Kutani madyambu man'wana u biwile eka ndzhawu ya leyo kufikela laha a vabyaka swinene, a kumeka a rhurhumela swinene, ni swin'wana. Kutani dokodela u n'wi nyike murhi, hinkwaswo, kutani a swi endlanga nchumu. Kutani a fika eka xiymo lexi a nga ha swi koti na ku tifambisa na swintsanana. Milenge ya yena ni hinkwaswo a swi ri, tani hi, xilema.

⁷⁰ Kutani makwerhu lontsongo wa xisiwana a nhlahliwile ava swiphemu, ni xichamba eka makume nhungu-nhungu. Jarimani makume nhungu-nhungu, Nakona a—a xi ri tani hi...Kutani ndzi ehleketa leswaku hinkwavo va makwerhu a va dlayiwile, kambe yena, kutani a tsemiwa a va swiphemu.

⁷¹ Nakona ma switiva leswaku kuhumelele yini? Ndzi byerile nsati wa yena lowo hlonipheka, Sesi Roberson, ku...U te...Ndzi ku, "U na xin'wana kwalaho?"

⁷² Wansati aku, "Ndzi na xidukwana lexi u nga tshama u xi khongeleta."

⁷³ "Famba u ya xi teka." Nakona a ndzi ri eTucson, kutani a tlhamdleka voko ra yena ehenhla ka xona, kutani ndzi khongela ni ku rhukana, ndzi ku, "Sesi Roberson, swi tafamba."

⁷⁴ Ntsena Swin'wani a nga ndzi byela lahaya, "Swi ta famba. Swi vuli!" Kutani ku nga si hela hafu ya awara, ku rhurhumela aku famible; a ri e khixini, a lavana ni leswi a nga swi dyaka. Wa vona? Wa vona?

⁷⁵ Leswi ndzi ringetaka ku swi vula, "U nga lahlekeriwi hi ku tshembha ka wena." U nga pfumeleli Sathana a ku byela swo biha ha mina; hikuva, kuna swotala. Kambe hlayisa vutitshembhi byebyo; hikuva, loko u nga swi endli, swi ngaka swi nga humeleri. U nga ndzi languti, tani hi munhu; ndzi munhu, ndzi talele hi swihoxo. Kambe languta leswi ndzi swi vulaka ha Yena. Hi Yena. Hi Yena a ri Un've.

⁷⁶ Tani hiloko ha ha ri eColorado, wa vona, tani hiloko ha ha ri henhla lahaya, hi tlhelerile endzhaku. Kutani a ku omile swinene. Swiharhi a swi kala. Makwerhu Wheeler, Hosi yi n'wi katekisile kutani yi n'wi nyika xidlodlo xa—xa kahle, nakona a hi tsakile hikwalaho ka sweswo. A kuri ro sungula ku va a hlota enhoveni, kutani Hosi yi n'wi katekisile. Kutani ndzi duvurile xidlodlo lexikulu lexi a ndzi ri eku xi laveni xi ku ringana

makume mbirhi wa malembe, ndzi n'wi langutile, Makwerhu Banks na mina a hi ri endzhaku ka yena nkarhi wo leha. Kutani loko ndzi swi endlile... Ku duvula xibamu xa mina ehansi etikweni ro hisa, ndzi xi tisa eka ku titimela, xi kukumuxile nhlayo, hambi leswi a xi eterile eka nghanilazi. Kutani xiduvurile ximpfukani xingari xingani, kutani xi ba xiharhi, lexi a xi yimile exikarhi ka mirhi, laha a xi fanele xi n'wi bile; ehansi ka sweswo, laha a xi fanele xi dlele xiharhi hi sekondo. Kambe xi n'wi bela ehenhla, xona, a tlula, tani hi loko a twise xisweswo.

⁷⁷ Nakona Billy ari na mina, hiloko aku, "Lexiya xi n'wi kumile." Hiloko ndzi ehleketa xi swi endlile, ngopfu; kambe loko hiya fika kwalahaya, a swi ngari tano. Aku, "U bile murhi." Ndzi langutile ehenhla na le hansi, a ku ri hava maraka. Hiloko ndzi ya eku xi laveni.

Kutani lahaya kuta sayini ya xitsundzuxo. A ku ri ni dzana ra vanhu, ntsena ehenhla ka hina. Kutani Makwerhu Palmer na vona i timbhoni ta sweswo. Na Makwerhu Evans, sweswo hi swona, a ri kona; Makwerhu Welch Evans ni jaha ra yena, Ronnie. Ndza pfumela ndzi va vitanile, ku ngari khale ngopfu. Kutani nhlayo yi kulu ya vanhu a yiri ehenhla ka hina, leyi a yi vitaniwa nkamba wa tihomu ehenhla lahaya, laha macowboys ama tshama kona ni ku gadela kona, va yeka tihomu hi ku hambanana. A ndzi toloverile ku tshama enkambeni hi vumina niku risa tihomu teto ni ku tihambanyisa.

⁷⁸ Hiloko, swingaleswi, kwalahaya, a kuri ni kwalomu ka dzana ra vavanuna. Kambe un'wana na un'wana wa swi tiva, eka tiko lero, loko gamboko yi ha xiwa, swa antswa u tsutsuma sweswi. Sweswo hi swona swi endleke Makwerhu Palmer na vona va fambe ka hari na nkarhi, hikuva a va ri na rivilo ra xipidi xa nharhu wa transimixini emovheni, kutani a va fanele va huma kwalahaya; hikuva, hambi, ukwalahaya, nakona u nga ha tshama mavhiki. Swingaleswi vate, "Ku na gamboko yi taka," maxelo ma haxiwile, maphepha, radio. Ndzhwalo endzhaku ka ndzhwalo, kahle kahle hinkwaswo eka leswi a swi ri ehenhla a swi sukile. A va fambile, sweswi, hikuva a switiva ku huma kwalahaya.

⁷⁹ Kambe vamakwerhu va mina a va ri na tilayisese timbirhi ta tindhakazi, kutani a—a va nga lavi ku famba. Swingaleswi ndzi—ndzi te, "Swi kahle, hi ta tshama." Kambe a ndzi ri na nhlengeletano leyi a yi ta, kwalomu ka masiku ya ntsevu, kutani a ndzi fanele ku tlhelela endzhaku eTucson.

⁸⁰ Swingaleswi, nsati wa mina lontsongo, ndzi... hi tekane hi ri ni malembe ya makume mbirhi-mbirhi. Na makume mbirhi wa malembe, eka xitsundzuxo xa hina, a ndzi ri kwalahaya nkarhi hinkwawo; ntsena swi humelerile ku ba kwalahaya. Swingaleswi ndzi—ndzi na ndzhawu yintsongo leyi a ndzi toloverile kuya ka yona ku ya khongela, nakona yi languteka ku fana ni ndzhawu leyi ndzi nga n'wi tekela kona.

⁸¹ Ma tiva, ndzi endle muxaka wa xilo lexintsongo, wa tiva, a ndzi nga ri na mali yo ringanelu ku teka rendzo ro hlota ni hanimuni, swingaleswi a ndzi—ndzi—ndzi fanele ku teka nsati wa mina eka rendzo ro hlota na hanimuni. Swingaleswi a hi ri eNew York, kutani ndzi tsundzuka ndzi n'wi pfunile ku rhwala mintsandza ni swin'wana, ku fika endhawini. Kutani ndzi na xindhawana nyana kwalahaya, ndzi tshamela ro n'wi ehleketa loko ndzi ya kwalahaya hi xitsundzuxo. Nhlangula hi siku ra yumakume mbirhi-nharhu hi loko nguva yi pfuleka kwalahaya. Nakona, makume mbirhi wa malembe, a ndzi nga ri ekaya, minkarhi hinkwayo a ndzi kumeka kwalahaya.

⁸² Swingaleswi siku lero a ku ri xitsundzuxo xa hina. Nakona Makwerhu Mann... Ndzi ku, "Sweswi loko n'wina vamakwerhu..." Ndzi ku, eka ndzilo, mixo walowo, "Sweswi loko..." Madyambu yalawo, swa antswa. "Loko mi lava ku sala sweswi, tsundzukani, hi nga va laha nhweti." Hikuva ndzi vone makume mbirhi wa minkondzo ya gamboko yi wa hi nkarhi nyana, ni madyambu. Ntsena, mi ta huma lahaya, kutani mi tava ntsena mi omile nakona mi ri kahle; nakona mixo lowu landzelaka, gamboko a yi entise xi *leswi*, ehenhla, kumbe ehenhla ka tende ra n'wina. Hiloko ndzi ku... Kutani mi tshama kwalahaya ku kondza yi n'oka yi hela. Swingaleswi mi kwalomu ka khume ntlhanu ku fika eka makume mbirhi wa timayili ku tlhelela endzhaku emananga. Kutani kwalaho ndzi ku... Kutani loko mo yi kuma hi swa xihatla, hikuva, va ta rhumela helikopta ku ta mi humesa. Kambe, hi ntolovelu, ntsena va... a ku ngevi ni un'we la lovisiwaka, va fanele ku rindzela kwalahaya.

⁸³ Swingaleswi un'wana na un'wana wa hatlisa ntsena endzhaku ka ku twa vuhamaxi, maxelo, swa antswa. Swingaleswi hi tlhelerile endzhaku kwalahaya, hiloko ndzi ku, "Sweswi vuyisa miehleketo ya wena. Loko mi lava ku tshama, ndzi lahwani ku hlota na n'wina, kutani ndzi ta foyinela nsati wa mina ndzi n'wi byela, 'Xitsundzuxo xa Ntsako!'" Kambe ndzi ku, "Ntsena, eka sweswo, ndzi ta va kona, ndzi ta, hi ta... Hi ta kuma tigirosara nyana, hikuva hi ngava hi fanele ku tshama kwala." A hi helele hi xinkwa ntsena. Nakona a ndza nga ha lavi ku vona khekhe nakambe nkarhi wo leha, makhekhe ya vona! Swingaleswi, ntsena, a ndzi ma dya eCanada, ku ringana makume mbirhi-n'we wa masiku, kutani a ndzi ma twa tani hi swilo swa vona. Kutani ntsena a ndzi lava ku kuma xinkwa.

⁸⁴ Swingaleswi va vule leswaku va lava ku tshama. Swingaleswi a ku ri hava lexi va nga xi endlaka... ku tshama. Kambe Makwerhu Mann na mina hi humile, hi ya ehansi kutani hi ya kuma tigirosara. Kutani ndzi vitana wansati, kutani foyini a yi hlamuriwanga. Ku ri hava loyi a hlamulaka; swingaleswi ndzi yime ku ringana awara ku kondza hi xava tigirosara, hi tlhelela endzhaku, ndzi foyina, a nga hlamulangi. Kutani a ndzi fanele ku foyinela Sesi Evans.

Ndza pfumela leswaku Sesi Evans u kona. Kutani ndzi byele... Ina, Makwerhu Evans na Sesi Evans va kona.

⁸⁵ Swingaleswi ndzi foyinele Sesi Evans, hikokwalaho ka Makwerhu Evans, kutani ndzi n'wi byela. Aku, "Ndzi ta foyinela Sesi Branham ndzi n'wi byela." Hi "Xitsundzuxo xa Ntsako," hakunene, maswitiva. Swingaleswi, kambe a yile evhengeleni, ku kuma tigirosara nyana ta vana.

Kutani hi vuya. Kutani mixo lowu landzelaka, xana a ku ri na yini ehenhla kambe mapapa. A ku nga nanga mpfula, kutani a ku omile hakunene. Kutani a va lehisile nguva yo hlotu, masiku mantsongo yo engetela, ehenhla ka ku oma.

⁸⁶ Kambe, ndzi teri eka vamakwerhu mixo lowu landzelaka, "Sweswi, ntosi ro sungula ra mpfula ri sungula ku wa, gamboko yo sungula, xihangu xo sungula, xin'wana na xin'wana, kuteka nkamba hi ku tika tani hi laha mi nga swikotaka, hikuva ku nga si hela khume ntlanhu wa timinetse u nge he voni voko ra wena emahlweni ka wena. Wa bona? Kutani xi ta hundzuluka xi ba, kutani a ndzi na mhaka na ku u tiva tiko ku fika kwihi, u—u taya u ya tshama kwalahaya, kutani mi ta lovisiwa. Hikuva nkarhi wun'wana a mi nge koti na ku hefemula, ntsuvi wu ba ni moyo, kutani, mi fela kwalahaya." Hiloko ndzi ku, "Tani hiloko ku sungula gamboko, u teka nkamba hi ku tika tani hi laha mi nga ta kota ha kona, a ndzi na mhaka na leswaku mi le kwihi."

⁸⁷ Kambe, ndzi ku, "Fambani henhla lahawani mi ya tshama emagoveni, kutani ndzi ta khandziya ehenhla ndzi khunguluxa maribye kusuka le henhla, nikuya emahlweni, ndzi chavisa tindhakazi le ehenhla, kutani ndzi ti tsutsumerisela ehansi, mi hlawula leyi mi yi lavaka."

⁸⁸ Swingaleswi ndzi sungurile ku gonya ehenhla, kutani hi nkarhi lowu a ndzi fike ehenhla laha hi ku vitanaka, "enhlohlorini," ndzhawu yintsongo leyi a ndzi tala ku hundza kona ku ya eka ndzhawu leyi vitaniwaka "Quaker Knob," kona kwalahaya ku Hambanaka kona Timheho lahaya, kwale henhla. Kutani loko ndzi fike ekusuhi na xitshamo xa hanci nyana lexi, leri...mapapa ya va ya ntima no ntima. A ku nga salanga movha, hina ntsena ehenhla lahaya, tani hi kule...na macowboy enkambeni. Swingaleswi ma—ma ya ma nyanya niku nyanya. Swingaleswi, hi timinetse ti nga ri tingani, yi sungula ku na. Kambe, ndzi tekile xibamu xa mina ndzi xi tumbeta hi xiambalo, ku sivela leswaku xikopi xi nga humesi musi, na—na xikhomo leswaku xi nga tsakami; kumbe ku tsutsumela eku tumbeleni kumbe swin'wana, ku vuyela ndzhaku, swingaleswi ndzi—ndzi khomile xikopi xa mina hi ndlela ya leyo kutani ndzi tshama ehansi ka murhi, swintsongo nyana.

Kutani ndzi tshama kwalahaya, kutani ndzi khongela. Ndzi ku, "Hosi Xikwembu, U Yehovha Lonkulu, nakona ndza Ku rhandza."

⁸⁹ Xana ndzi vile ni mintokoto mi ngani! Ndzi yi kombeta eka vamakwerhu, Makwerhu Palmer na vona, tindhawu. Laha, gama, wa tiva, ndzi n'wi vonile a pfuka siku lero, wa tiva, nakona njhani... Yaleylo i ndhawu laha hinkwaswo swi humeleleke kona kwalahaya. I swilo swa ntumbuluko eka mina, kona kwalahaya. Ndzi ve na mintokoto yi kulu ngopfu yo tala na Hosi ya mina, ehenhla etishaveni ta vona. Swingaleswi u nga ka u nga yi kwalahaya u nga sungulanga hi ku N'wi vona; ntsena U kona hinkwako.

⁹⁰ Swingaleswi tani hiloko ndzi—ndzi tshamile kwalahaya, hiloko xihangu ni mpfula swi sungula, ni moya wu hunga, tani hi sweswo. Hiloko ndzi ku, "Kambe, ndzi tiva ndlela ya ku ya ehansi, kutani swa antswa ndzi suka laha sweswi." Swingaleswi ndzi ku....

⁹¹ Kutani ndzi languta ehansi, kutani ndzi nga ha swi koti ku vona ehansi na swintsongo; mapapa ya vona ntsena a ma ri ekuhungeni niku rhendzeleka, na swimpfulani swi hunga. Kutani lahaya a yi ri kona, gamboko! Maxelo lawa haxiweke masiku yo hlaya, "Gamboko leyikulu yi le kuteni!"

⁹² Makwerhu Tom u kona lahwani. Makwerhu Tom Simpson, u huma eCanada, u twile hi taku haxiwa ka maxelo, kutani a tsundzuxiwire leswaku a nga tshuki a fambela tlhelo leriya ra tiko, hikuva kuhaxiwa ka maxelo lawa ku vuriwe leswaku, "Ku tava na gamboko." U kwihi, Makwerhu Tom? Ndzi ehleketa sweswo, a ha, u lahaya. Nakona u.... Gamboko a yiri eku teni! Un'wana na un'wana a yi yimerile.

⁹³ Kambe, ndzi veka xibamu xa mina ehansi ka hembhe, tani hi leswi, hembhe ya mina yo tshwuka, ndzi sungula ku rheleta etshaveni. Nakona tani hiloko ndza ha sungula, ndzi fambile ku ringana mayili kusuka eka xitshamo xa hanci; kutani, oho, mina, kutani manthosi la makulu ya gamboko, tani hi sweswo, kutani moya wu hunga-hunga, etshaveni ya leyo, ni ku ba. Ndzi nga ha swi koti ku vona ehansi na nyana. A ndzi kota ku vona makume mbirhi wa magoza emahlweni ka mina, kumbe makume nharhu. Nakona ndzi tivile ku ta ehansi eka lexi xi ntsongo, leswi hi xi vitanaka, "xintshambyana lexintsongo," xikombyana, kutani ndzi huma emigerhweni, kutani ndzi tivile ku landzela mugerho, na laha a ndzi fanele ku ya kona, loko swi biha hakunene.

⁹⁴ Swingaleswi ndzi rhelerile ehansi, kutani ndzi fika exikarhi mpfuka lahaya, hiloko Swin'wana swi ku eka mina, erivaleni tani hi leswi mi ndzi twisaka xiswona, "Yima, utlhelela endzhaku!"

⁹⁵ Kambe, ndzi ehleketa, “I ncini leswi a ndzi swi ehleketeni? Kumbe xani kova ntsena miehleketo ya mina.” Kutani a ndza ha tekanga goza rin’wana ku ya emahlweni.

⁹⁶ David a ndzi lunghisela masangweji mixo lowu, kutani ndzi ehleketa leswaku u ringete ku tikuma ari na mina ku lunghisela papa yena yin’wana, nkarhi wun’wana, ya nyala ni vulombe, sweswo hi swona hinkwaswo leswi a hi ri na swona. Swingaleswi u ndzi lunghisele baloni na, oho, a ndzi switivi leswaku hinkwaswo a ku ri yini, swi phutseriwile kwa lahaya! Kutani a ndzi ri na swona ehembheni ya mina, nakona a yi tsakamile ehembheni ya mina. Ndzi ehleketa, “Ntsena ndzi ta yima ku dya leswi, kumbexani ndzi nga ha... Swi tava swi ri kahle.” Swingaleswi ndzi humesa masangweji, kwalomu ka awara ya khume, hiloko ndzi sungula ku dya masangweji. Tani hiloko ndza ha dya masangweji, ndzi ehleketa, “Sweswi ndzi ta va ndzi ri kahle.”

Hiloko ndzi sungula ku ya emahlweni, kambe Swin’wana swi te, “Tlhelela endzhaku laha u humaka kona!”

⁹⁷ “Tlhelela endzhaku u ya eka bubutsa lero, hafu ya mayili kumbe ku tlula krtlhelela entshaveni, eka rihunyi lero ro tlhuma?” Laha, u nga ta tsandzeka na ku vona vu kule bya ogene ya leyo hi kutika! Kambe ndzi le ku khalabyeni, nakona a ndzi ri Mukreste kuringana makume nharhu-nharhu wa malembe; kutani ndza switiva, a swi na mhaka leswaku, swi languteka swihiamarisa njhani, tsundzuka Hosi, endla leswi Hosi yi swi vulaka.

⁹⁸ Ndzi hundzulukile ndzi tlhelela endzhaku laha ku nga ni xitshamo xa hanci, ndzi ti twa ndzi tlhelela endzhaku. Oho, xihangu xiya xi tika naku tika; xi ya xi ntima naku ntima. Hiloko ndzi tshama ehansi kwalahaya, ntsena ndzi tikokela xi ambalo xa mina tani hi leswi, kumbe hembhe ya mina eka xikopi nakambe; ndzi tshama ehansi. Ndzi ehleketa, “Xana ndzi endla yini lahawani? Hikokwalaho ka yini ndzi vuyerile lahawani?”

⁹⁹ Ntsena ndzi languterile timinetse tingari tingani. Hiloko ndzi yima nakambe, kutani tani hi leswi a swi ri erivaleni tani hi laha a ndzi lava ku swi twa, Rito ri ku, “Hi Mina Mutumbuluxi wa Matilo ni misava! Ndzi endlile mheho na mpfula.” Ndzi hluvule xidloko xa mina.

¹⁰⁰ Ndzi ku, “Yehovha Lonkulu, xana hi Wena?”

¹⁰¹ A ku, “Ndzi yena Loyi A endleke leswaku mheho wu yima ehenhla ka lwandle. Hi Mina Loyi andleke leswaku magandlati ya ya ehansi. Ndzi tumbuluxile matilo ni misava. Xana a hi Mina loyi a ku byeleke leswaku u vulavula ni, va maxinjani, kutani swi va swi humeleta? Hi Mina Xikwembu.”

¹⁰² Sweswi, loko rito ri vulavula na n'wina, langutani Matsalwa. Loko swi nga ri Matsalweni, swi tshikiseni xisweswo; a ndzi na mhaka leswaku swi twarisa ku yini, n'wina fambelani ekule na swona.

¹⁰³ Ndzi ku, "Ina, Hosi."

¹⁰⁴ A ku, "Vulavula ni mheho wa lowo na xidzedze, kutani swi ta famba." Sweswi, Bibele leyi yi tshame mahlweni ka mina, laha vutomi bya mina byi nga eka Yona.

¹⁰⁵ Ndzi yimile, ndzi ku, "A ndzi ri kanakani Rito ra Wena, Hosi." Ndzi ku, "Mapapa, gamboko, mpfula, xihangu, ndzi rhukana ku ta ka n'wina. Hi Vito ra Yesu Kreste, fambani etindhawini ta n'wina! Ndzi lerisa leswaku dyambu ri huma sweswi kutani ri khanya masiku ya mune, ku kondza rendzo ra hina ro hlota ri hela kutani hi ntlhela ni vamakwerhu va mina."

¹⁰⁶ A swi ri ntsena eku tlhamukeni, swi famba, "Whooooossssh," tani hi sweswo. Kutani swi sungula ku famba, swi famba, "Whoosh," hiloko swi nyamalala, "whew, whew, whew, whe." Swi yimile!

¹⁰⁷ Ndzi yime ndzi nga tshukunyuki. Vamakwerhu va mina kwalaho ehenhla, mile kuhlamalen i ka leswi a swi humelela. Kutani xihangu na mpfulla swi yima. Lahaya ku ta moyo wu rhendzeleka hansi e tintshaveni, wu tlakula mapapa, kutani rin'we ri ya hi tlhelo *leri*; evuxeni, n'walungu, vupeladyambu, nile dzongeni. Nakona, hi timinetse ti ntsongo, dyambu ari khanya kahle kutlhela ku kufumela. Wa lowo i ntiyiso! Xikwembu xa switiva sweswo leswaku i ntiyiso!

¹⁰⁸ Ntsena ndzi yime kwalahaya, ntsena ku languta hinkwako; ndzi hluvurile xidloko xa mina, ndzi languta. Ndzi... Mi ri... Ndzi tshovelelekile, hinkwako.

¹⁰⁹ Ndzi ehleketa, "Xikwembu lexi xi fanaka xa ku Tumbuluxa, hinkwaswo swile mavokweni ya Xona. I ncini leswi Xi ndzi byelaka swona?"

¹¹⁰ Hiloko ndzi teka xibalesa xa mina, ndzi sula xikopi, ndzi sungurile ku tlhelela endzhaku, ndzi rhelela ehansi ka nhlohlorhi. Hiloko Swin'wana swi ku ka mina, "Hikokwalaho ka yini u nga jikajiki na Mina kwalahawani emananga, famba na Mina?"

¹¹¹ Ndzi ku, "Ina, Hosi, hi mbilu ya mina hinkwayo; ku tava xin'wana xa swilo leswikulu ndzi nga swi endlaka, i ku famba na Wena." Hiloko ndzi veka xibalesa xa mina ekatleni, kutani ndzi sungula ku fambisa xi sweswo; a ku si tshama ku vekiwa xihloka kona, tihunyi leti ntshwa, ndzi chochovela kwalahaya.

¹¹² Tani hi laha ndzi endleke, hi famba swin'we, ku rhelela swin'we ehansi hi landzelela minkondzo ya xiharhi, ndzi ti twe onge, "Ndza pfumela ndzi ta ya ehenhla e ndhawini laha... tolo a kuri xitsundzuxo xa hina, kutani ndzi ta yima

kwalahaya ntsena timinetse ti ntsongo; ntsena swi ntsongo ku xixima Meda, laha akuri na ntlawa wa swinyokana swo chavisa, ehenhleni tani hi hendale leyi ntsongo.” Hiloko ndzi ku, “Ndza pfumela leswaku ndzi ta famba kona, tani hi ku xixima xitsundzuxo xa hina. Kwalaho ndzi ta tlhelela endzhaku hi tlhelo lerin’wana, eka swihlahla sweswo swo ntihuma, kutani ndzi rendzeleka, kutani ndzi famba hinkwako, ndzi rhendzeleka kona hinkwako ekusuhi, kusuhi na Corral Peaks, kutani ndzi vuya endzhaku ehansi hi ndlela ya leyo.” Ntsena ku tifambela na ku tsaka.

¹¹³ A ndzi vula leswaku, “Tatana, ndza swi tiva leswaku U famba na mina. Kutani i nkateko; a ku na un’wana lonkulu loyi ndzi nga fambaka na yena; Xikwembu lexi xi fanaka!” Ni ku kufumela kwaloko ka masana!

¹¹⁴ Niloko ndzi huma etitshaveni. Ndzi yimile laha ku cheriwaka tipetirolo, hiloko ndzi ku, “Siku ro saseka!” Endzhaku ka masiku manharhu. Aku nangi mpfula eka xiphemu xexo xa tiko ku kondza ku hundza masiku ya mune. Dyambu ri khanye masiku hinkawo. A hi swona sweswo, vamakwerhu? [Vamakwerhu va ku, “Amen”—Muhleri.] Wa vona? Ku ri hava na papa na rin’we exibakabakeni.

¹¹⁵ Kutani ndzi huma laha ku cheriwaka tipetirolo, ndzi ku, “Hakunene i siku ra kahle.”

“Ina, hi rona!”

Ndzi ku, “A ku omile ro chavisa.”

¹¹⁶ A ku, “I nchumu lowu chavisaka!” Mutirhi loyi aku, a ku, “Wa tiva, va hi byelete leswaku ku ta va na gamboko yi kulu, kambe hi xinkadyana yi yimile!”

¹¹⁷ Ndzi enhlerile ehansi, elayinini leyi Ntshwa ya Mexico. Billy na mina, jaha ra mina, hi yile eka ndhawu yintsongo lahaya ku ya kuma... ni mixo hi famba, hiloko ndzi ku, “Ha kunene i siku ro saseka.”

“Ina, hi rona!”

Ndzi ku, “Swilanguteka ri omile ku saseka.”

“Ina, ri ve tano!”

Ndzi ku, “U huma kwalahawani?”

¹¹⁸ A ku, “Ee, ndzi huma eWisconsin,” kumbe kun’wana. A ku, “Ndzi ve laha ku ringana makume mbirhi wa malembe, swingaleswi ndza vhumbha leswaku u ta kuvitana ekaya.”

¹¹⁹ Ndzi ku, “U muaka tiko sweswi, ndza bvumba.” Swingaleswi ndzi ku, “Ina, nkulukumba,” ndzi ku, “swi languteka onge a kuri na ritshuri ro chavisa.”

¹²⁰ A ku, “Wa tiva, swo chavisa swi humelerile!” A ku, “Hi twile vuhamaxi bya maxelo ya leswaku hi tava na gamboko, gamboko yo tala; kutani yi sungurile, ivi yi nyamalala!”

¹²¹ Ndzi ku, “A wu vuli swona,” ku horile.

¹²² Kutani ndzi vuya ekaya. Kutani Makwerhu Tom a ku u byeriwile leswaku a nga fambi hi ndlela ya leyo, ku na gamboko. Kutani u te kahle hi le tikweni, a kuri hava hambi ri ri nthosi ra mpfula kumbe swin’wana! Xa ha ri Xikwembu, wa vona, tani hi leswi a Xi ri xiswona. Wa vona?

¹²³ Ku famba lahaya ehenhla, a ndzi famba kun’we... Sweswi, xiyenge lexi, ndzi tshembha leswaku nsati wa mina a nga yi kumi thepi leyi. Wa vona? Kambe ndzi ya eku mi byeleni ka swin’wana. Nakona, sweswi, a ndzi—ndzi mi byeli... Ntsena ndzi ta mi byela Ntiyiso, wa vona, nakona yaleyo i ndlela yiri yin’we ku swi endla. Nkarhi wu n’wana ndzi hlamarile leswaku hikokwalaho ka yini a nga gungulanga ha mina eka marendzo lawa a ndzi mafamba hi nkarhi wa xitsundzuxo xa hina. Mativa i ncini ndzi nga xi endla emiehleketa weni ya mina? Ndzi te, “Ku na vanhu votala laha ndlwini. Kutani ndzi tano, wa tiva, ndza rhurhumela. Kutani hinkwaswo leswi ndzi swi vulavulaka, ndzi lava ku vulavula hi swona, i Xikwembu, Bibebe, kumbe swin’wana. Kumbe a ehleketa leswaku i ku wisa kuntsongo ka yena. A ndzi tshika ndzi famba masiku mantsongo, ku ya ekuhloteni.” Mina, ndzi ehleketa nyana ha swona, ku famba swin’we lahaya.

¹²⁴ Leswaku, ndzi... ndzi, ndzi ta kombela ku rivaleriwa eka yena, kutani ndzi—ndzi ta kombela Xikwembu xi ndzi rivalela eka miehleketo ya leyo. Hikuva, ndzi fambe na yena lahaya, ndzi ehleketa, “Kambe, a ehleketa... Kambe, leswi sasekeke! Wansati, i mutirhi, ma tiva, nakona—nakona nkarhi hinkwawo loko a ri khixini kumbe kun’wana e...”

¹²⁵ Nakona van’wana va n’wina ma n’wi tiva, muchini lowuya wo hlantswa lowu fambaka nkarhi hinkwawo. Swingaleswi ndzi humile, ndzi n’wi koka; ndzi ku, “U nga hlantswi hi ndlela yaleyo. Vulavula na mina. Wa vona, ndza ku rhandza. Ndzi lava leswaku u ndzi byela swin’wana; ndzi byeli leswaku na wena wa ndzi rhandza, swinene.”

¹²⁶ A ku, “Kambe, wa swi tiva leswaku ndza ku rhandza,” kutani a ya a mahlweni a hlantswa hi matimba ku tlula leswi a ri xiswona.

¹²⁷ “A ndzi lavi leswaku u endla sweswo. Ndzi lava leswaku u ta haleno kutani u tshama laha tlhelo ka mina.”

¹²⁸ “Oho, Bill, ndzi na ntirho wo tala ku wu endla!”

¹²⁹ Hiloko ndzi ehleketa, “Kambe, wa vona, ku ya ehenhla lahawani, u kuma nkarhi wo endla ntirho wa yena.” Ku famba kun’we lahaya, ndzi ehleketa sweswo.

Sweswi, tsundzukani, ndzi vekile Bibebe leyi laha ehenhla kuri mi vona leswaku ndzi le Ritweni.

Tani hi loko ndza ha famba kun'we, swin'wana swi humelerile eka mina. Ndzi sungule...

¹³⁰ Xosungula, ndzi ehlekete hi loko ndzi n'wi teka hi ya eka hanimuni ehenhla lahaya. A sasekile, a ri lontsongo, a ri ni misisi ya ntima, nhwana wa mahlo ya buraweni, kutani ndzi n'wi tlakurile ku tlula mitsandza leyi, wa tiva, ni swin'wana ni swin'wana, ndzi ku ringeta ku n'wi yisa eka ndhawu leyi ndzi nga dlayela bere kona. Nakona ndzi lavile ku n'wi kombu yin'we, swingaleswi... laha ndzi nga kuma bere leyi. Nakona a ambale mabuntsu ya mina ya macowboy. Kutani sweswo a ku ri kwalomu ka makume mbirhi-mbirhi wa malembe, kumbe makume mbirhi-n'we wa malembe ku nga se fika sweswo; makume mbirhi-mbirhi wa malembe, ndza pfumela akuri wona, khale. Hi tekane hi 1941. Kutani a ndzi n'wi tlakurile, wa tiva, ku tlula mitsandza leyi.

¹³¹ Hiloko ndzi ehleketa, "Sweswi, nakulorhi lontsongo wa xisiwana, a ri na mina, u cincile a va wa mpun'wa." Ina. Ndzi ehleketa, "Kambe," kutani ndzi famble... [Makwerhu Branham a basisa nkolo wa yena—Muhleri.] Kutani a ndzi nga se chevha e masikwini mantsongo, kutani ndzi ti kuma leswaku ndzi wa mpun'wa, na mina! Kutani ndzi vonile malebvu ya mina ma damarherile lahawani, mpun'wa, hiloko ndzi ehleketa, "Jaha ra khale, u ya eku heleni sweswi. Wa vona, u, u ya eku endleni ka swin'wana, swa antswa u hatlisa. U le ku dyuhaleni, swinene." Wa vona?

¹³² Swingaleswi tani hiloko ndzi fambisa xisweswo, swin'wana swi teke ndhawu. Xikan'wekan'we, eka nthaveko hinkwawo, nsinya, a ndza hari jaha, a ndzi ehleketa tani hi jaha. Nakona a ndzi korhamiserile nhloko ya mina ehansi, nakona ndzi languta ehenhla. Nakona ntsena a vonakala tani hiloko ndzi tshame ndzi n'wi vona, a yimile lahaya emahlweni ka mina ni mavoko ya yena ehandle. Ndzi yimile; ndzi chukuchela xikandza xa mina. Ndzi languta. Ndzi ku, "Meda, hi wena, Nkatanga?"

¹³³ Ndzi languta lahawani, ndzi ehleketa, "Swingaleswi ku humelerile yini?" Hiloko ndzi ehleketa, "Ina, ndzi famba na Xona." Swingaleswi swi cincile, a ndzi ri endzhaku nakambe eka mukhalabya, nakona xivono xi sukile eka—eka mina.

¹³⁴ Hiloko ndzi yima; ndzi susa xidloko xa mina nakambe, ni tlhela ni xiambala. Ndzi ku, "Yesu, mbilu ya mina yi tikiwile, kuringana malembe yo hlaya. A ndzi fanelanga ndzi Ku byela leswaku ndzi tikiwile. Ndzi hundzukile, ndzi hundzukile, ndzi endlile hinkwaswo leswi ndzi swi tivaka. Nakona hikokwalaho ka yini kutikeriwa loku ku nga ni sukeli?"

¹³⁵ Ndzi sungurile ku famba ndzi ya emahlweni. Tani hi laha a ndza ha tlula xigangani, ntsena kwalomu ka makume nharhu, majorata ya makume mune emahlweni ka mina; ndzi

sungurile ku gonya xingangani lexi, ndzi sungurile kutitwa ndzi nga ha tiyanga. Lahaya akuri ni ku ninginika, kwalomu ka khume ra ti inchi kuya emahlweni, kuvuya kufika ku endla L, swingaleswi swi ya emahlweni nakambe. Nakona ntsena tani hiloko ndzi fika lahaya, a ndzi nga ha tiyanga a ndzi dedeleka. Swingaleswi ntsena ndzi... a ndzi ambarile xidloko xa mina nakambe. Nakona ndzi yimiserile nhloko ya mina ehenhla ku ya hi leswi; xi ndzi ringana kahle, ku veka nhloko ya mina ku kongomana ni ku ninginika kwaloko, tani hi leswi. Swa rhandzeka hakunene. Swi tani hi, swi languteka tani hi nsinya wa kahle, waswivona. Nakona i... a ndzi pavalarile ku kongomana na kona. Nakona ntsena a ndzi yimile lahaya ni nhloko ya mina leyi yi korhameke, ku kufumela kwaloko ka dyambu ku ndzi hisa enhlaneni wa mina. Hiloko ndzi ehleketa, “Xikwembu lexi xi fanaka, lexi hambanyiseke mpfula yaleyo ni moya walowo!”

¹³⁶ Ndzi twile swin'wana swi famba, “pat, pat, spat.”

¹³⁷ Ndzi ehleketa, “I yini sweswo? Mati ya yima ku khuluka. Dyambu ri humile. I ku spata ka yini?” Ndzi langutile ehansi; a kuri mati lawa a ya huma eka matihlo lawa ya nga ya mina, ya tsema kurhelela hile ka malevhu ya mpun’we ma thonela ematlukeni lawa ya omeke lawa Xikwembu xi ma omiseke, manga ekusuhi na mina. Nakona ntsena ndzi yimile lahaya tani hi *leswi*, ntsena ku kongomana ni nsinya. Voko ra mina, voko *leri* ehansi, ni nhloko ya mina yi kongomile ensinyeni, voko ra mina eka xibalesi xa xibalesa, tani hi *leswi*, ku yima lahaya, ku rila.

¹³⁸ Ndzi ku, “Xikwembu, a ndzi faneli kuva nandza wa Wena.” Ni tlhela ni ku, “Mina, ndzi khomeli, ndzi—ndzi endle... Ndzi endlile swihoxo swo tala. A ndzi nga vuli ku endla swihoxo, Hosi. U ve kahle eka mina.”

¹³⁹ Ndzi tsipa mahlo; ndzi twa swin'wana swi famba, “stomp, stomp; stomp, stomp.”

¹⁴⁰ Ndzi hanyanya, ku kongomana na mina kuta tindhakazi tinharhu. Hiloko ndzi ehleketa, “U n'wana i Makwerhu Evans, Makwerhu Woods’. Nakona lahaya kuna tindhakazi tinharhu, wa vona, ntsena leswi ndzi swi languteleke.” Nakona ndzi kokeriwile ehenhla hi muhalu; ndzi fikelerile ku kuma xibamu xa mina. Ndzi ku, “Ndzi ngaka ndzi nga swi endli sweswo. Ndzi tshembhisile Xikwembu leswaku a ndzi nge swi endli sweswo.” Wa vona? “Ndzi Xi tshembhisile leswaku ndzi nge swi endli.”

¹⁴¹ Nakona swin'wana swi ku eka mina, “Kambe lahaya hi letiya!”

¹⁴² Hiloko ndzi ehleketa, “Ina, Sa....Sweswo hi—hi swona leswi wanuna a byeleke Davida, nkarhi wun'wana, ‘Xikwembu xi n'wi kutsurile, ndzi ku, emavokweni ya wena!’” Ma n'wi tiva, Hosi Saul.

¹⁴³ Nakona Yoab u n'wi byerile, aku, “N'wi dlayi! Lahaya a pavalala!”

¹⁴⁴ Hiloko aku, “Xikwembu xi sivela leswaku ndzi ta khumbha mutotiwa wa Xona.”

¹⁴⁵ Nakona tindhakazi leti ti yimile ti ndzi languta. Hiloko ndzi ehleketa, “Tingaka ti nga tsutsumi. Kuhava ndlela leyti nga tsutsumaka ha yona. A ti ngari eka makume nharhu wa majarata kusuka eka mina. Nakona ndzi khomile xibamu lexi, ndzi yima lahawani, nakona lahaya ku yimile tindhakazi tinarhu. Nah, ndzi ngaka ndzi nga swi endli. Ntsena ndzi—ndzi ngaka ndzi nga swi endli.” Akuri ndhakazi ya xisati ni swindhakazana swimbirhi leswikulu. Swingaleswi ndzi—ndzi—ndzi tsandzekile ku teka xibalesa. Ndzi ku, “A ndzi nge swikoti.” A—a ndzi kalanga ndzi suka. Ndzi tshame kwalahaya. Ndzi ku, “Ndzi ngaka ndzi nga swi endli, hikuva ndzi tshembhisile Xikwembu leswaku a ndzi nge swi endli. Hambi, vamakwerhu va vona, a—a va kali va tilava ndhakazi ta vona. Wa vona? A—a ndzi nge swi endli leswi. Ntsena ndzi ngaka ndzi nga swi endli.”

¹⁴⁶ Nakona mhala yaleyo ya xisati yi ta, yi famba. Sweswi yingisani, akuri ni vanhu va dzana lava avari eku tiduvuleni lahaya, kuringana mune kumbe ntlhanu wa masiku. Ti nga kumeki? Sayini yo sungula yo tshwuka...Nakona a ndzi ri nakona ko tshwuka exikhipeni xa mina, xidloko xo tshwuka. Sayini yo sungula, tifambile; kambe atiyimile lahaya, hinkwato tiri tinarhu, ti ndzi langutile.

¹⁴⁷ Ndzi ku, “Manana, teka vana va wena u famba u ya eswihlahleni. U le mavokweni ya mina. Ndzi...Vutomi bya wena byile mavokweni ya mina, kambe a ndzi nge he mihloti. Ndzi tshembhisile Xikwembu leswaku a ndzi nge he swi endli.” Wa vona? Leyi ya xisati yi tshunela. Yi ta yi ta ndzi languta. Hinkwato ka tona ti tshunela, kufikela laha ti nga tshunelela swinene laha ti nga dyaka mavoko ya mina, ekusuhi. Tona, moyo wu hunga eka tona. Yi hundzuluka leyi ya xisati, yi tlhelela endzhaku swintsongo, hinkwato ka tona tiri tinarhu.

¹⁴⁸ Nakona lahawani yi tlhela yi vuya nakambe, yi ta yi ndzi kongomile. A ndzi kalanga ndzi suka; ntsena yi yima kwalahaya. Ndzi ku, “Famba u ya eswihlahleni; ndza yi rhandza, swinene. Famba! Wa vona, vutomi bya wena byile mavokweni ya mina, kambe na ku tsetselela. A wu nga ta tsutsuma. Wa swi tiva a wu nga ta swi endla.” Ndzi nga ha dlaya hi vunharhu bya tona hi sekondo, tisekondo tinarhu, hi ndlela yin’wana, ntsena hi ku hatlisa tani hi laha ndzi nga ta balesele hakona; nakona a ti nga ta tsutsuma, ti yima ekusuhi na mina. Wa vona? Hiloko ndzi ku, “Ndza ku tsetselela. Famba, suka.” Nakona ndzi yimile lahaya. Tiyile emahlwени, kuya emahlweni eswihlahleni.

¹⁴⁹ Ndzi surile xikandza xa mina tani hi *sweswo*, nakona ntsena swin'wana swi humelerile. Rito ri vulavurile, ntsena tani hi ku hetiseka, kusuka eswibakabakeni swa vona swa wasi, kungari papa. Hinkwaro ari ri ekusuhi kwalomu ka...ntsena xinkadyana lexintsongo. Nakona Rito ri vulavula, ri ku, "Wa xi tsundzuka xitshembiso xa wena, a wu xi tsundzuki xana?"

¹⁵⁰ Ndzi ku, "Ina, Hosi."

¹⁵¹ Xi ku, "Ndzi ta tsundzuka xa Mina, na mina. 'Ndzi ngaka ndzi nga ku tshiki kumbe ku kufularhela.'" Kutikeriwa ku hambana ni mbilu ya mina. A swa ha vanga kona kusukela; a swi nge he pfuki swi vuyile.

¹⁵² Hiloko ndzi ya eTucson. Nchumu lowu chavisaka, a ndza ha swi twanga swi humeleta, kusukela loko ndzi tava ni tile. Ndza—ndza pfumela leswaku akuri Xikwembu xikhomeke awara yaleyo. Ndza pfumela nkarhi wule kusuhi swinene, swin'wana swi boheka ku humeleta.

¹⁵³ Loko ntsena hi nga amukela Ntiyiso lowu! Ntsena xinkadyana. Loko hi nga swi tekela enhlokweni leswi swi vulaka hi Matsalwa lawa, "La nga ka n'wina u nkulu kutlula loyi a nga emisaveni." Hi ngaka hi nga swi twisisi Sweswo, hambi leswi hi nge ha Swi pfumela. Nakona ha swi tiva Swi ntiyiso, kambe kahlekahe a hi Swi twisisi.

...la nga ka n'wina u nkulu, kutlula loyi a nga emisaveni.

I ncini xi nga ka n'wina, lexi nga xikulu? I Kreste, la nga ni ntoto! Xikwembu, lexi axi ri eka Kreste, xi nga ka n'wina. "La nga ka n'wina U nkulu, kutlula loyi a nga emisaveni."

¹⁵⁴ Swingaleswi loko Yena ari eka n'wina, a ka ha ri n'wina nakambe mi hanyaka, hi Yena la hanyaka eka n'wina. Wa vona? A hi n'wina miehleketaka, leswi mi nga ehleketa ha Leswi; hi leswi Yena a swi vuleke hi Leswi. Wa vona? Swingaleswi, loko Yena ari eka n'wina, hakunene-nene A ngaka a nga tsan'wi leswi Yena a nga swi vula. A ngaka a nga swi endli. Kambe U ta hlayisa leswi Yena a swi vuleke, nakona U le ku ringetenka ku kuma munhu loyi Yena a nga ta tiyimela yena hi Ÿexe eka swona.

¹⁵⁵ Sweswi, sweswo a swi vuli leswaku U fanele ku swi endla eka un'wana ni un'wana. I nkarhi lowu Muxe a rhangele vana va Israel, akuri ni un'we, yaloye akuri Muxe. Vunyingi bya vona hinkwabyo a byi landzelela Hungu. Wa vona? Van'wana va vona va ringetile ku yima va swi encenyeta, hiloko Xikwembu xi ku, "Ti a ve wena n'winyi," nakona ntsena u va mita. Wa vona? Wa vona?

¹⁵⁶ Sweswi, kambe, "La nga ka n'wina u tlula loyi a nga emisaveni," Xikwembu xi nga eka n'wina, tani hilaha a Xi ri

eka Yesu Kreste. Hikuva, hinkwaswo leswi Xikwembu a xi ri na swona, Xi swi cherile eka Kreste; ni hinkwaswo leswi Kreste ari ni swona, U swi cherile eka Kereke. Wa vona, xexo i Xikwembu xi nga eka n'wina, "La nga ka n'wina."

¹⁵⁷ A swi hlamarisi loko mheho ni magandlati swi N'wi yingisa, swi yingisa Marito ya Yena; swi yingisa Marito ya Yena, hikuva i Rito ra Xikwembu Ri nga eka Yena. A ri munhu; kambe A ri Rito, leri nga endliwa nyama. Wa vona? Nakona loko A vulavula, akuri Xikwembu xi vulavula hi milomo ya yumunhu. Wa vona? A swi hlamarisi loko mheho ni magadlati... Mutumbuluxi la fanaka, loyi a tumbuluxeke mheho ni magadlati, a swi ri eka Yena. Sweswi, ehleketa ha swona! Ehleketa hi vuenti sweswi, tani hi laha ndzi taka eka xinkadyana xo pfala. A swi hlamarisi loko madimona mavavisekile eRitweni ra Yena! Akuri Xikwembu eka Yena. A kuri Xikwembu eka Kreste. Madimona ya vavisekile. A swi hlamarisi na vafi, lava a va tlhelela eritshurini, va nga etleli kona lahaya, eRitweni ra Yena! Tani hilaha, Yena a nga Rito.

U teri eka Lazaro, endzhaku kaloko a file a tlhela a nuhwa, mune wa masiku; xikandza xa yena, nhompfu, a swi wele endzeni, eka nkarhi walowo wo tala. "Lazaro, huma!" Hiloko wanuna, la feke, a pfuka a yima hi milenge ya yena. Hinkwalaho ka yini? Akuri Xikwembu. Loyer a ri eka Kreste akuri Xikwembu. Vafi va ngaka va nga yimi eka Vukona bya Yena. Akuri Xikwembu eka Kreste.

¹⁵⁸ Mheho, sweswi, tsundzukani, Xikwembu xi tumbuluxile mheho; i moyo. Xikwembu xi tumbuluxile magandlati; i mati. Kambe loko Javulosi a nghena ka swona, a ngirimela na swona, ku tisa ntshikelelo. Xikwembu xi tumbuluxile vanhu, kuva vana va Xikwembu, kambe loko Javulosi a nghena eka vona, wa vona, swi ni khombo. Sweswi, sweswo akuri Javulosi loyi a ngheneke eka mheho loyi a rhumeleke bubutsa lero. Ku ngari Mutumbuluxi, loyi a tumbuluxeke moyo, aku, "Tlhelela endzhaku laha Ndzi ku tumbuluxeke"?

A hi yena Mutumbuluxi loyi a fanaka loyi a yimeke enhlohlhorhini ya Colorado siku rin'wana xana? [Nhlengeletano yiku, "Amen."—Muhleri.] Wa vona?

A hi yena Un'wana la fanaka loyi a nga teka xiphemu xa hlampfi a xi phema, lexin'wana xiphemu xihluka kuya emahlweni? Kahle kahle a nga fanelanga a va ni sweswo. A tava a swi vurile.

A hi Mutumbuluxi u n'we ni loyi a tumbuluxeka va maxinjani? [Nhlengeletano yi ku, "Amen."—Muhleri.] Swingaleswi, Loysi ari eka Kreste u le ka hina, wa vona, hikuva U endla mintirho leyi Yena a yi endleke, nchumu wun'we.

Vafi va ngaka va nga yimi eka Vukona bya Yena, eRitweni ra Yena.

¹⁵⁹ Langutani, hina ntlhanu wa switatinendhe swa xiviri, swa vanhu “lava feke,” niku nyika ka xivono hi Hosi, nikuya eka vona kuya va pfuxa vatlhelela endzhaku. Lahawani ku tshamile un’wana, lahawani sweswi, loyi a file laha a tshameke lahaya sweswi. Nakona hi loyi wa hanya, madyambu ya namutlha; a wela eka ku khomiwa hi mbilu. Lahaya kuna nsati wa yena, muongori. Hi yile ehansi; swin’wana ni swin’wana a swi famble, mahlo ya yena a matsipile, a famble. Hi loyi lahawani, wa hanya. “Lonkulu hi loyi A nga *lahawani*, eka hina, kutlula loyi a nga eka misava!” Wa vona?

¹⁶⁰ Lonkulu hi Yena! I Xikwembu, Mutumbuluxi! Mheho ni magandlati swi fanele ku N’wi yingisa. Madimona ya vaviseka. Ntumbuluko hinkwawo wu N’wi yingisile, hikuva hi Yena Mutumbuluxi wa ntumbuluko. Oho, loko hi ehleketa sweswo, swi humesela ku luma ehandle. Swingaleswi hi twisia swilo leswi, maswivona. I yini? A hi munhu. Munhu a ngaka a nga swi endli sweswo; munhu i xiphemu xa ntumbuluko. Wa vona? Kambe i mheho ni magandlati swi yingisaka Mutumbuluxi. Wa vona?

Ni ku teka Mutumbuluxi ku swi endla, “Tani hi Yena a nga nkulukumba eka n’wina kutlula la nga emisaveni.” Loyer a nga vangaka nkitsinkitsi, hi loyi a nga emisaveni. La nga eka n’wina, i Mutumbuluxi, Loyer a endleke mheho. Loyer a nga tshinyaka Javulosi a huma eka mheho, kuva ni ku rhula. A nga tshinya Javulosi a huma eka bubutsa, kusala kuri hava bubutsa. Hi Yena Mutumbuluxi. “Nakona La nga ka n’wina i nkulu, kutlula la nga emisaveni.” Wa vona?

¹⁶¹ Javulosi i wa misava. Misava yi kongomisiwile eka yena. Minkarhi hinkwayo i ya yena. “Hikokwalaho ka yini u wile, O Lusifa, n’wana wa ni mixo?” Wa vona, misava leyi i ya yena. Sweswo hi swona swi endleke, a raheriwela ehandle ka Tilo, a vuyela endzhaku eka yona. Wa vona?

¹⁶² Hi un’wana loyi a nge te eka Kreste, “Mimfumo leyi i ya mina, ndzi endla leswi ndzi swi lavaka hi yona.” I ya yena, nakona hi un’wana loyi “a nga emisaveni.”

¹⁶³ Yohana ntsena u byerile vadyondzisiwa, “Mi twile hi ta antikreste loyi a nga eku teni, nakona khale ari lahawani u le kutirheni hi vana lava nga yingisiki. Kambe, vana lavantsongo, a mi va misava leyi. Mi va Xikwembu. La nga ka n’wina i nkulu, kutlula la nga emisaveni.” Yaloye i Kreste loyi a nga eka n’wina!

¹⁶⁴ Loyer a nga—a nga tumbuluxa matilo ni misava, u ti kombisile hi Munhu a nga Yesu Kreste; Xikwembu eka Kreste, ku ta khomela misava xona hi Xoxe.

A hi vuleni leswi mi swi vulaka, “Leswaku ari N’wana wa Xikwembu, hambi, Makwerhu Branham.” Hinkwaswo swi lulamile, a hi swi kambisisile loko Yena ari langa Heriki, Xikwembu lexi nga riki ni makumu.

¹⁶⁵ Loyi ari eka Yoshuwa i nkulu, kutlula dyambu. Nakona Yoshuwa ari munhu, la nga tswariwa ni xidyoho, tani hi n'wina na mina. Nakona Loyi ari eka Yoshuwa i nkulu, nakona dyambu ri fambisiwa hi ku lerisa ka Xikwembu. Xikwembu xi lerisile dyambu leswaku ri voninga nikuva ri rhendzeleka rona hi roxe, ri fumiwa ni ku lawuriwa hi milawu ya Xikwembu. Kambe Loyi ari eka Yoshuwa i nkulu, kutlula milawu ya Xikwembu leyi a yi ri xiswona; hikuva Mutumbuluxi, yena hi Yexe, ari eka Yoshuwa loko Yoshuwa a languta ehenhla edyambyini aku, "Yima kwalaho u nga kona. Nakona, n'weti, u nembelela kwalaho u nga kona, ku fikela laha ndzi hetaka nyimpi leyi." Dyambu ni n'weti swi n'wi yingisile, tani hi Loyi ari eka Yoshuwa i nkulu kutlula ni—ni dyambu ni n'weti. Loyi ari eka Yoshuwa!

¹⁶⁶ Loyi ari eka Muxe, a ri nkulu kutlula Egipta. Egipta yi na mavandla ya matimba swinene ya masocha emisaveni hinkwayo, ari fuma misava enkahini walowo. Kambe Loyi ari eka Muxe i nkulu, kutlula leswi Egipta a ri ri xiswona, hikuva Muxe u hlurile Egipta. Lonkulu hi Loyi a ri eka Muxe, kutlula leswi ntumbuluko a wu ri xiswona wona hi woxe. Mitshame miehleketa hi leswaku Xikwembu xi tekile Rito ra Xona xi Ri nyika Muxe, xi ku, "Famba lahaya u ya lerisa dyambu leswaku ringa ha voningi"? Nakona dyambu ari ntimile! A hi swona sweswo? Xi nga ha endla dyambu ri voninga ni mapapa ya tlhelela endzhaku, kumbe Xi nga ha endla dyambu riva ra ntima. Hi Xona Xikwembu; Xi nga ha endla leswi Xi swi tsakelaka, nakona Xi le ka n'wana la pfumelaka! Amen. Sweswo hi swona.

¹⁶⁷ A ku ngari ni dzedze leri nga voniwaka. Ku nga hava kuri nkarhi wa xixika, akuri hava tinhwala, kambe Xikwembu xi ku eka Muxe, "Famba u ya vulavula Marito ya Mina, nakona Ndzi ta veka emiehlekeweni leswi u nga ta swivula. Nakona u huma lahaya u ya teka thyaka ra misava, uri hoxa ehenhla emoyeni, ritshuri."

¹⁶⁸ I ku, "A kuve ni tinhwala lahaya!" Nakona tinhwana atiri karhi tikasakasa kumbexani ti inchi to hlaya hi ku enta, eka misava hinkwayo, hi tiawara tintsongo. A hiswona sweswo xana? Mutumbuluxi!

¹⁶⁹ Akuri hava ni swidula, swingaleswi u humesile nhonga ya yena aku, "Akuvi ni swidula lahaya!" Nakona swi vile kona hinkwako, swi tlhandlekelana, ku fikela laha tiko hinkwaro ari nuha. A hiswona sweswo xana?

¹⁷⁰ Loko a ta eLwandle ro Tshwuka nakona akuri ndlela ya yena, Xikwembu xi teri, "Vulavula ni lwandle." Hiloko Muxe a vulavula ni lwandle; nakona Loyi ari eka Muxe i nkulu, kutlula lwandle hi roxe. A hi swona sweswo? Oho, mina! Sweswi, ma vona, Loyi ari eka Muxe i nkulu, kutlula la nga misaveni. Loyi ari ka Muxe i nkulu, kutlula ntumbuluko lowu

nga emisaveni. U lerisile ntumbuluko. Eka hinkwaswo leswi Xikwembu a xi n'wi byela, u swi vurile, nakona yaleyo hi yona ndlela leyia swi ri xiswona.

¹⁷¹ Xikwembu xexo xi fanaka hi lexi xi nga na hina madyambu lawa! Ku ngari hina ntsena, kambe eka hina! Xi swi kombisisile leswaku Xi le ka hina. “La nga ka n'wina i nkulu, kutlula la nga misaveni.” Hi nga chavisiwa hi yini, hi misava?

¹⁷² Hi leri siku rin’wana va kumile muxaka wu—wu n’wana wa tino ra dayinosawa, ehenhla lahwani ku rhendzeleka hi... Ndza vhumbha hi nkwerhu mi swi twile hi ta rona; ehenhla lahwani a Niagara Falls. Va ku, “Ri tika ntsevu wa tipondzo.” A ndzi ehleketa leswaku va ya ekuvuleni leswaku ri huma eka munhu, kambe ndza—ndza ehleketa eku heteleleni va ri hlamuserile tani hi muxaka wun’wana wa xiharhi lexi a xi ri kona ku nga siva ni matimu. Swiharhi leswi hakanyingi swi hanya nkarhi wun’we emisaveni. Swi kwihi sweswi?

Ma swi tiva, Xikwembu xa Matimba hinkwawo xi nga lerisa tidayinosawa ti ta ehenhleni ka misava, eka awara leylandzelaka ti tava ti ri mune wa makume wa timayili hiku enta? Ma swi tiva, Xikwembu xi nga ha hlasela misava leyia hi tinhwala? Xi nga ha vitana tinhwala. Ti ya kwihi loko ti fa? Ku humelela yini hi nhongani? Ku humelela yini hi njiya? Loko xixika xi fika, nakona xifamba kwalomu ka makume mbirhi ekusuhi na ziro; nakona, ku ta ximun’wana xin’wana, tinjiya tikumeka hinkwako. Ti ta ti huma kwihi? Hi Xona Muvumbi lexi xi swivuleke eku humeleleni! Hi xona Xikwembu! Ntumbuluko wu yingisa Rito ra Xona.

¹⁷³ Laha vunyingi bya vamakwerhu va hina va kumekaka va ri ni nyanyuko, va kuma ku tiyisiwa loko Xikwembu xexo xi endla nchumu wun’wana, nakona vari hi LESWI HOSI YI SWI VULAKA loko swi nga ri tano. Xexo hi xona xivangelo xa kuva swi nga humeleli.

Kambe loko hakunene kuri Xikwembu xi mi byelaka, swi fanele swi humelela, swi fanele kuva hi ndlela yaleyo. Wa vona? Loko Xikwembu xi swi vula, swi fanele swi va tano.

¹⁷⁴ Loyi ari eka Muxe i nkulu, kutlula loyi ari eEgipta. Loyi ari eka Muxe i nkulu, kutlula leswi Faro a nga swi endleka, vangoma hinkwavo. Loyi ari eka Muxe i nkulu, kutlula loyi a nga eka va masalamusi. Wa vona? Loyi ari eka Muxe i nkulu, kutlula ntumbuluko hinkwawo.

¹⁷⁵ Lonkulu! Loyi ari eka Daniel ari nkulu kutlula tinghala. A nga ha swikota ku yimisa tinghala leti nga ni ndlala. Swingaleswi xin’wana ni xin’wana lexi nga yimisaka xin’wana, swi kulu kutlula leswi a swi yimiseke. Swingaleswi tinghala ti humele ehandle hi ku hatlisa, tiri ni ndlala, ku ta dya Daniel; nakona Loyi ari eka Daniel i nkulu, kutlula loyi ari eka tinghala.

¹⁷⁶ Sweswi, loko nghala yi tava yi tumbuluxiwile ro sungula, a yi ri munghana na munhu. I Javulosi loyi a yi endleke yi endla sweswo. Sweswo hi swona. Eka Miliniyamu, hlolwa ni xinyimpfana swi ta dya kun'we, nakona nghala yi ta dya byanyi tani hi havi, yi ta etlela ni havi. Tingaka ti nga vavisi kumbe ku hlasela eka Miliniyamu. Javulosi u tava a fambile. I Javulosi loyi a endleke swivandzana leswaku swi handzula niku boxa swi dya, ni swin'wana tani hi sweswo, hi ndlela leyti endlisaka xiswona. I Sathana a endleke sweswo. Kambe Loyi ari eka Daniel i nkulu, kutlula loyi ari eka tinghala. Wa vona? Loyi ari eka muprefeta i nkulu, kutlula loyi ari eka nghala.

¹⁷⁷ Loyi ari eka vana va va-Heveru i nkulu, Loyi ari eka vona i nkulu, kutlula loyi ari endzilweni. Tani hilaha va nga hoxiwa endzilweni; nakona Loyi ari eka vona, ari na vona, nakona a susa ndzilo lowu a wu fanele ku va hisa loko khele ra ha hisa ku ringana' ka nkombo hi ku hisa kutlula leswi ari hisisa xiswona, hi ku hisa. A hi swona sweswo? Loyi ari ni vana va va-Heveru i nkulu, kutlula loyi a nga emisaveni.

¹⁷⁸ Lahaya ku tshamile Nebukadinetsa, kumbe Beltexeza. Nebukadinetsa, ndza pfumela a swi ri tano, loyi a ri niku hisa ka khele' a ku hisa kuringana ka nkombo kutlula leswi ari hisisa xiswona. Ku hlohlotele Javulosi, ku teka vanhu lava, hikuva a va yimela Rito ra Xikwembu; nakona va hoxiwa ekheleni ra ndzilo, ri hisa ku ringana ka nkombo kutlula leswi ari hisisa xi swona, nakona ri tsandzekile ku va hisa. I nkulu Loyi ari eka Shadrack, Mishack, na Abednego, kutlula loyi ari emisaveni. Hi ku hetiseka! Oho, mina!

¹⁷⁹ Loyi ari eka Eliya i nkulu, kutlula swibakabaka swa nsuku leswi a swi ri xiswona, hikuva a nga nisa mpfula kusuka exibakabakeni xa nsuku lexi a xi ri hava mpfula ku ringana malembe ya nharhu ni tinhweti ta ntsevu.

Loyi ari eka Eliya i nkulu, kutlula rifu. Tani hi, loko ku ta nkarhi wa yena wo fa, Xikwembu xi vonile mukhalabya ya loye, muprefeta loyi a karhele. A ri eku tshinyeni ka Yizabel ni ku tipenda ka yena ni hinkwaswo swilo swa ximanguva lawa, nakona ari wa muxaka la karhaleke, swingaleswi a Xi n'wi pfumelelanga hambi kuri kuya ekaya, tani hi laha Xi swi endleke eka Enoko. Xi rhumerile golonyi ya ndzilo ku ta n'wi teka, yi n'wi yisa Ekaya ra le henhla. Loyi ari eka Eliya i nkulu, kutlula loyi ari eYerusalem nile Yudiya, nile tintshaveni. Loyi ari eka Eliya i nkulu, kutlula rifu hi roxe. Loyi ari eka Eliya i nkulu, kutlula sirha; hikuva u tsutsumile sirha, u tsutsumile rifu, nakona u yile Ekaya hi golonyi ya ndzilo. Wa vona, lonkulu hi Yena, nakona A ri eka Eliya.

¹⁸⁰ Mi ri, "Oho, kambe, yaloye ari wanuna lonkulu."

¹⁸¹ Yimani nyana! Bibele yi ri, "A ri munhu wa mahlomulo," tani hi n'wina na mina. Sweswo hi swona. Kambe loko a

khongela, a pfumela leswaku u swi kumile leswi a swi khongeleta; leswi Yesu a swi vuleke eka hina, "Loko mi khongela, pfumelani leswaku mi swi kumile leswi mi swi kombelaka, swi ta endliwa." U khongelerile leswi nga riki ni ku hlekisa leswaku ku nga vi na mpfula, nakona a yi kalanga yi na ku ringana malembe manharhu ni tinhweti ta ntsevu. Wa vona? Loyi ari eka Eliya i nkulu, kutlula ntumbuluko.

¹⁸² Swingaleswi ku horisiwa ka vavabyi ke? Wa vona? Loyi a nga ka n'wina i nkulu, kutlula vuvabyi. Wa vona? Hikuva, sweswo i ku kavanyeta, ku kavanyeta milawu leyi yi fanaka ya Xikwembu, byi tano vuvabyi. Kambe, "lonkulu" hi Loyi a nga ka n'wina, yaloye i Muhorisi ni Mutumbuluxi, kutlula—kutlula Javulosi loyi a kavanyeteke nonganoko wa vutomi bya n'wina. "Loyi a nga ka n'wina i nkulu, kutlula loyi a nga emisaveni." Wa vona?

Loyi ari eka Eliya i nkulu! Loyi ari eka Esaya i nkulu, kutlula nkarhi lowu a wu ri xiswona; kumbe van'wana va va profeta lava, hikuva va vonile ku hundza ka nkarhi. Wa vona?

¹⁸³ Loyi a ri eka Job i nkulu, kutlula swivungu swa nhlonge, ni rifu ni sirha. Hikuva, hi xivono u vonile ku vuya ka Hosi, hiloko aku, "Mukutsuri wa mina wa hanya, nakona hi siku ro hetelela U ta yima ehenhleni ka misava; hambiloko endzhaku ka ku hlaseriwa ka miri lowu hi swivungu swa hlonge, hambi enyameni ya mina ndzi ta vona Xikwembu." Wa vona? Loyi ari eka Job i nkulu, kutlula rifu; lonkulu, hikuva rifu ri ringetile ku n'wi teka nakona a nga ta swikota. A ri nga ta swikota, hikuva uteri, "Ndzi ta pfuka nakambe," nakona u swi endlile. U swi endlile.

¹⁸⁴ Yingisani, loko ahiri ni nkarhi wa kuya emahlweni ni leswi. Kambe ndzi ta tsakela ku vutisa xivutiso, lexi ndzi nga xi maraka siku rin'wana, hi, "Kreste eka n'wina."

Sweswi, mi nga—mi nga swi pfumeleri swi wisela ehenhleni ka swin'wana leswi mi swi endleke; mi ku, "Ndzi titwa ndzi rhurhumela nyana. Ndzi—ndzi—ndzi vulavurile hi tindzimi. Ndzi—ndzi cinile emoyeni." Kuhava lexi lwisanaka ni sweswo, sweswi. Sweswo swi lulamile hinkwaswo, wa vona, sweswo i, kambe mi nga wiseli ehenhleni ka sweswo. Wa vona?

Vutomi bya n'wina byi fanele byi va *Leswi*. [Makwerhu Branham a bambetela Bibele ya yena—Muhleri.] *Lebyi* hi Byona. N'wina ni *Leswi* mi fanele kuva nchumu wun'we, mavona, swingaleswi *Leri* ri tikombisile rona hi Roxe. Wa vona?

¹⁸⁵ Sweswi ku nga humeleta yini loko—yini loko madyambu ya namutlha loko mo vula leswi, hi timbilu ta n'wina hinkwato, leswaku moya wa Shakespeare wu hanya eka n'wina, Shakespeare u hanya eka n'wina? Maswitiva leswi mi nga swi endlaka? Mi ta endla mintirho ya Shakespeare.

Mi ta endla. Mi ta endla. Mi ta tumbuluxa swiphato ni—ni mintlangu, nikuya emahlweni, hikuva Shakespeare ari wa muxaka walowo wa mutlhambi, mutsari lonkulu, mutsari wa swiphato. Sweswi, loko Shakespeare a hanya eka n'wina, mintirho ya Shakespeare mi ta yi endla. A hi swona sweswo?

¹⁸⁶ Ku nga humelela yini loko Beethoven a hanya eka n'wina? Ku nga humelela yini loko Beethoven a hanya eka n'wina? Maswitiva leswaku mi ta endla yini? Mi ta tsala tinsimu tani hi Beethoven, muntlambhi lonkulu. Mi ta tsala tinsimu tani hi Beethoven, hikuva Beethoven u tava vutomi bya n'wina. Mi tava mi ri Beethoven, ku koka loku tirhisanaka, nakambe. Loko Beethoven a hanya eka n'wina, mintirho ya Beethoven mi ta yi endla, hikuva Beethoven u hanya eka n'wina. A hi swona sweswo?

¹⁸⁷ Kambe Loyi a nga ka n'wina i Kreste! Nakona loko Kreste ari eka n'wina, mintirho ya Kreste mi ta yi endla, loko Kreste a hanya eka n'wina. U vule tano. Mukwetsimi Yohana 14:12, “Loyi a pfumelaka eka Mina, mintirho leyi Ndzi yi tirhaka u ta yi endla na yena,” loko mi ri eka Kreste, kumbe loko Kreste a hanya eka n'wina. Swingaleswi, Kreste i Rito. A hi swona sweswo? Nakona Rito ri ta eka vaprofeta va Yena. Wa vona? Nakona loko, n'wina, Kreste a hanya eka n'wina, mintirho ya Kreste yi ta endliwa hi n'wina, Vutomi bya Kreste byi ta hanyiwa eka n'wina. Mintirho leyi Yena a yi endleke, vutomi lebyi Yena a byi hanyeke, ni swin'wana ni swin'wana, swi ta hanyiwa hi n'wina; ntsena tani hiloko Shakespeare, kumbe Beethoven, kumbe—kumbe hambi ku ngava yini swi hanyaka eka n'wina.

¹⁸⁸ Loko Vutomi bya Yena! Kambe loko wa ha hanya vutomi bya wena, swingaleswi mitirho leyi yi nga ya wena u ta yi endla. Wa vona? Kambe loko u hanya Vutomi bya Kreste, loko Kreste ari eka n'wina, “Loyi a nga eka wena u tlula loyi a nga emisaveni.” Loko ku kanakana ka wena ni ku tshikeleleka hikokwalaho ka xitshembhiso xa Xikwembu lexi xi nga eka n'wina, swingaleswi Kreste a nga kona kwalaho; wa vona, ntsena u pfukile. Kambe loko Vutomi, loko Kreste a hanya eka n'wina, Rito ra Yena u ta ri tekela enhlokweni ni xitshembhiso xa Yena U ta xi endla. Wa vona? U ta swi endla.

¹⁸⁹ “Loko mi khongela, pfumelani leswaku mi swi kumile leswi mi swi khongeleshala, nakona mi ta nyikiwa swona. Loko mi ku eka ntshava leyi, ‘Suka,’ nakona mi nga kanakan etimbilwini ta n'wina, kambe mi pfumela leswaku leswi mi swi vulaka swi ta humelela, mi nga hava ni leswi mi swi vulaka. Tatana wa tirha, nakona na Mina na tirha. Ndzi vurisile, ndzi vurisile, Ndzi ri eka n'wina, N'wana a ngaka a nga endli nchumu yena hi Yexe; kambe leswi A swi vonaka swi endla hi Tatana, sweswo swi endla leswaku N'wana a tekelela.” Wa

vona? Nakona loko Tatana a N'wi komba leswi a nga swi endlaka; a famba a huma lahaya ku ngari niku hluleka ka nchumu, aku, “A swi ve tano,” nakona swi va tano.

Nakona tani hi Kreste yaloye a fanaka loyi a hanyaka eka n'wina. U hanya na le ka hina. Swingaleswi mintirho ya Yena hi ta yi endla, hikuva Kreste i Rito, nakona xitshembhiso xa Rito xi tisa ku horisiwa eka n'wina. Ma swi pfumela sweswo? [Nhlenegetano yi ku, “Amen.”—Muhleri.] Hakunene!

¹⁹⁰ A ku, “Ndzi ngaka ndzi nga misiyi mi ri swisiwana.” Tani hi laha ndzi khongelaka, u vutisile nyana endzhaku, lahaya eka Matewu 24, wa vona, kumbe Matewu 28:20. Wa vona? U teri, “Ndzi ta vuya eka n'wina, ni va na n'wina. Mina,” Munhu, Kreste, hi xivumbeko xa Moya wo Kwetsima, “ndzi ta ta ndzi ta tshama na n'wina. Swingaleswi mi ngaka mi—mi ngaka mi nga havi n'wexe nakambe. Ndzi tava eka n'wina. Nakona Loyi a nga eka n'wina i nkulu, kutlula loyi a nga emisaveni.” Wa vona? Va-Heberu 13:8 yi ri, “Hi yena la fanaka, ni tolo ni hi laha ku nga heriki.”

¹⁹¹ Loyi ari eka Nowa ari nkulu kutlula ku avanyisa ka mati.

Nakona Loyi a nga eka n'wina i nkulu kutlula ku avanyisa ka ndzilo. Wa vona? Loyi a nga eka n'wina i nkulu, hikuva Yena u hakerile ku avanyisa niku hlula ku avanyisiwa ka n'wina. Wa vona? A kuna ku swi chava. Wa vona, mi lahaya. Ina.

Loyi ari eka Nowa ari nkulu, kutlula loyi ari eka ku avanyisa ka mati, lawa ya loviseke misava leyi a yi nga pfumeri. Hikuva, Nowa a pfumela. Nakona Loyi ari eka yena ari nkulu, kutlula ku pfumela Loyi a vulavuleke na yena, kutlula loyi ari emisaveni. Leswaku, Nowa u tsutsumile ku avanyisa kwaloko hinkwako, hikokwalaho ka kuva Rito ra Xikwembu ri ri rikulu kutlula sweswo, nakona u tlakusiwile ehenhla ka ku avanyisa.

“Lonkulu!” Hi nga swi nembelerisa njhani sweswo xinkadyana! Wa vona?

¹⁹² Loyi ari eka Davida ari nkulu, kutlula berhe leyi yi yiveke nyimpfu ya yena. Loyi ari eka Davida ari nkulu, kutlula nghala leyi a yi ta yi ta teka xin'we xa swinyimpfana swa yena. Loyi ari eka Davida i nkulu, kutlula nala, Goliadi. Mufilista lonkulu loyi a yimile lahaya, van'wana va khume mbirhi, khume mune wa tifiti hi ku leha, ni khume mune wa ti inchi ta tintiho ta yena; ni tlharhi tani hi tontswi wa nereta; niku tiambexa hinkwako ka mbirhi kumbe ka nharhu wa ti inchi hiku bumbula, loku tiyeke ka nsimbhi, nsuku. Kambe loyi ari eka Davida ari nkulu kutlula loyi a ri eka yena.

A ri ni matimba, tihlapfana. Ari nhenga. A nga swi kota, ntseña ute ri a nga ha tlakula Davida hi le makun'wini ya tlharhi a n'wi yisa ehenhla, a nyika swinyenyani swi n'wi dya.

¹⁹³ Hiloko Davida aku, “U hlanganile na mina tani hi mu-Filista, hi vito ra mu-Filista. U ndzi rhukanile hi vito ra xikwembu xa va-Filista.” I ku, “U tidzunisile hi leswi u nga ta swi endla. Nakona u hlanganile na mina u hlomile ni tlharhi. Kambe ndzi hlangana na wena hi Vito ra Hosi Xikwembu, namutlha ndzi ta susa nhloko ya wena emakatleni ya wena.” Nakona u swi endlile, hikuva lonkulu akuri Yena loyi a hloholotela Davida eka matimba ya lawa.

¹⁹⁴ Loyi a nga eka n’wina i nkulu, kutlula xitulu xexo xa mavhilwa. Loyi a nga eka n’wina i nkulu, kutlula xitrechara xexo. Loyi a nga eka n’wina i nkulu, kutlula mfukuzani ya leyo. Loyi a nga eka n’wina i nkulu, kutlula kuhlunama kwaloko. Loyi a nga nkulu hi Yena, kutlula swin’wana ni swin’wana leswi Javulosi a nga swivekelaka eka n’wina. “Loyi a nga eka n’wina i nkulu, kutlula loyi a nga emisaveni.” Lonkulu hi Yena! Ina!

Lonkulu akuri Davida, leswi a swi ri eka Davida; Xikwembu eka Davida.

¹⁹⁵ U le ka hina, yaloyi i, Kreste. Hi Yena muhluri wa nala un’wana na un’wana, eka hina. Loko Yena ahari lahawani emisaveni, U hlurile xidyoho, U hlurile vuvabyi, U hlurile rifu, U hlurile tihele, U hlurile sirha, nakona sweswi U hanya eka hina tani hi muhluri! U hlurile vuvabyi, tihele, rifu, sirha, a ta eka hina ku ta hi ntshunxa eka swilo leswi hinkwaswo. Nakona Loyi a nga eka n’wina i nkulu, kutlula loyi a nga vekaka mahanyelo yo biha ehenhleni ka n’wina. Ina! “Loyi a nga eka n’wina i nkulu, kutlula loyi a nga emisaveni.”

¹⁹⁶ Sweswo hi leswi mahlori lawa ya humelerisaka xiswona. Sweswo hi leswi moyo lowu wu nga hundzisa xiswona, siku rin’wana. Xana munhu a nga swi endla sweswo? Ee, nkulukumba, a swi endleki. Loko ndzi yima lahaya, ndzi rila, niku tshovela moyo wa vona, niku . . .

I vangani lahawani, lava a vari ehenhla lahaya? A hi voneni yimisani mavoko ya n’wina. Yimisani mavoko ya n’wina ehenhla, un’wana ni un’wana ari ehenhla lahaya, kwalaho ehenhla eColorado hi—hi nkarhi walowo. Hinkwaswo swi lulamile. Makwerhu Fred, ndza vhumbha, hi un’wana loyi ari kona, kusukela. A ndzi ehleketa leswaku kumbexani Makwerhu Mann ari kona lahawani, kambe i . . . Makwerhu, Makwerhu Evans, a ku ngari yena? Makwerhu Evans ari lahaya enkarhini walowo. Ina. Hinkwaswo swi lulamile. Nakona, ina.

¹⁹⁷ Xiyisisani. A hi wona ntiyiso walowo? A swi humeleli hi yona nddlela ya leyo? Mpfula ntsela yi hundzile, ni mheho wu hundzile ku hunga. Akuri yini? Hi rito ra mina? Ee! Hikuva U ndzi byerile ku swi endla. Nakona Loyi a nga eka hina i nkulu, kutlula ntumbuluko. A hi xona Xikwembu lexi fanaka lexi xi yimiseke magandlati elwandle, xi nga endla mheho wu

tlhelela endzhaku endhawini ya wona? A hi Xona Lexi fanaka lexi xi ntimiseke dyambu, xi nga endlaka dyambu ri tlhava? Kambe, “Loyi a nga eka n'wina i nkulu, kutlula loyi a nga emisaveni.” Wa wona? Swi lulamile hinkwaswo.

¹⁹⁸ Sweswi sweswo hi swona leswi swi endlaka mahlori lawa ya ntayiso ya endliya, hikuva i xitshembhiso xa Xikwembu, “Swilo leswi Ndzi swi endlaka, mi ta swi endla na n'wina.” Mukwetsimi Yohana 14:12. Yena, Kreste, loyi a yimiseke mheho ni magandlati, i Mutumbuluxi wa swona. Wa hari Yena Mutumbuluxi hi vunyingi tani hi leswi Yena ari xiswona. Hi yena tolo, namutlha, ni hilaha ku nga heriki.

U horisile vuvabyi niku hlasela xidyo, niku swi ncica hinkwaswo eka n'wina, niku ta eka n'wina leswaku Yena a nga ha tshama na n'wina. U hlurile hinkwaswo leswi, kuta a ta tshama na hina. Hi Yena Muhluri loyi a hluleke swilo leswi; swi kombisisiwile hi Matsalwa, ku vuyela endlaka kuta hlula hinkwaswo, niku mi kombisa leswaku hi Yena Xikwembu lexi xi fanaka. Nakona endlaka ka malembe ya khume nkaye wa mazana, lahawani Yena wa ha endla nchumu lowu wu fanaka exikharhini ka hina leswi Yena a swi endleke kusukela, loyi a hluleke rifu, tihele, vuvabyi, ni sirha!

¹⁹⁹ Kreste loyi, loyi “Yena,” hi Yena loyi A nga eka n'wina. Hi Yena Kreste. Tani hi laha Yohana angete, “La nga ka n'wina u nkulu kutlula la nga misaveni.” Yaloye i Kreste! U nkulu kutlula hinkwaswo swa misava hikuva Yena u hlurile misava, nakona i nkulu, kutlula swilo leswi hinkwaswo, hikuva U hi hlulele yona. “Nakona hi hlula hiku tlurisisa ha Yena hikuva wa hi rhandza nakona u nyikerile vu Yena eka hina,” leswaku A nga ha vuyela endlaka a ta endla mintirho ya Yena ha hina, ku hi kombisa leswaku hi Yena tolo, namutlha, ni hilaha ku nga heriki.

Loko Yena a hari la emisaveni, U kombisisile loko Yena a yimile exikarhini ka vanhu, A ri Mesiya. A nga ha enhlisa miehleketo leyi yi nga etimbilwini ta vona. Nakona Bibele yi teri, Muxe u teri, leswaku, “U tava muprofeta.” A hi swona sweswo? A tiva swihundla swa timbilu. A tiva vanhu leswaku akuri vanhu va njhani. A tiva leswi hoxekeke ha vona. Xana hi swi vonile sweswo swi endliya? [Nhlengeletano yiku “Amen.”—Muhleri.] Nkarhi endlaka ka nkarihi!

²⁰⁰ Haswitiva leswaku vafi vapfuxiwile, kusuka eku feni. Van'wana va vona a va file kuringana siku ni hafu. Kambe, kufa mixo wun'wana, nakona va tlheriseriwela endlaka madyambu ya lawa, va famba vusiku hinkwabyo; hi siku leru ari landzela kwalomu ka ni nhlikanhi, kumbe hi ndzhengha, swi tile laha akuri ni tende. N'wana lontsongo loyi a feke, a titimela, a tlakuriwile emavokweni ya mana wa yena. Nakona Hosi Xikwembu xi tisa, ku vulavuriwa Rito ra Vutomi, nakona n'wana ya loye a kufumela a sungula ku rila; a tlheriseriwela emavokweni ya mana wa yena.

²⁰¹ Manana Stadklev, u yimile lahaya ku vona sweswo loko swi endliwa, xexo hi xona xivangelo xa kuva arilela n'wana wa yena, u ndzi lavile leswaku ndzi hahela ejarmani. Kambe Hosi yiteri, "Lero i voko ra Mina; u nga ri pfukeli." Wa vona, u tiva ku antswa.

Loko Xi byela Muxe, xiku, "Vulavula ni ribye," u nga ri bi. Sweswo swi vula "kuvulavula," u nga ri bi, wa vona. U fanele u yingisa leswi Xi nge swi endli. "Kambe kuhava munhu loyi a nga ta endla xa n'wa nchumu hi vuyena," u fanele ku swi twa kusungula swi huma eka Xikwembu.

²⁰² Swingaleswi Rito ra Xikwembu ri tshembhisa leswaku Xa hanya. Nakona, hikuva Xa hanya, ma hanya. Xi tshembhisile, leswaku, "Mintirho leyi Ndzi yi endlaka mi ta yi endla na n'wina. Swilo leswi swi fanaka, ntsena hi vunyingi bya swona, mi ta swi endla, hikuva Ndzi ya eka Tatana." U hlurile swilo hinkwaswo. Hi Un'wana la yimiseke . . .

Hi Un'wana loyi a endleke vamaxinjani lava. Sweswo swi humelerile kuringana kambirhi. Swi humelerile kan'we endhawini ya wena, Charlie. Nakona swi humelerile—swi humelerile ehenhla lahawani loko, vamakwerhu, Makwerhu Fred na Makwerhu Banks na vona lahaya ehenhla na hina.

²⁰³ Swihumelerile a Jarmani, loko valoyi va vona va khume ntlhanu, eka tlhelo lerin'wana ra mina, va ku . . . Hikuva Billy ni Makwerhu Arganbright va ta va pfumelela—ku va pfumelela kuva va ndzi vona, va ku, "Kambe, hi ta endla leswaku tende lero ri pfurheteriwa ri ya ekule." Nakona a va tshamile ehansi lahaya, niku loya ka vona, va vitananile xikwembu xa vona, Javulosi, hiloko lahawani a ta hi bubutsa. Kwalomu ka makume nharhu wa magidi, makume mune wa magidi wa Majaramani va huma lahaya, nakona tende lero riya ehenhla na le hansi tani hi *sweswo*.

Vona, niku kerha, vatekile xikerho va kerha tinsiva, va ti kombeta endzhaku tani hi *sweswo*. Niku vula ka vona, kuya emahlweni ni vuloyi, niku vula marito manharhu yo kwetsima va ku, "Tatana, N'wana, Moya wo Kwetsima; lu-lu-lu-lu-lu-lu! Tatana, N'wana, Moya wo Kwetsima; lu-lu-lu!"

²⁰⁴ Ku famba tani hi *sweswo*, nakona kahlekahle hiloko bubutsa rita. Hakunene. "Hi Yena hosana ya matimba ya moyo," Sathana. Nakona va vitanile bubutsa. Nakona, sweswi, hambi kuri tende lero ra kahle leri kulu ehandle tani hi lero, oho wa mina, wu funengeta kwalomu ka doroba hinkwaro; nakona ri akiwile, ri akiwa kuhuma eka mbirhi-himune, nakona ntsena khanivhasi yi hlomulela swipikiri eka yona. Mheho wu nghena hi le hansi wu ri tlakusa, tani hi *sweswo*. Nakona mheho wa lowo, ni rihat i haha tani hi *sweswo*, ntsena ndzi yile emahlweni niku chumayela.

²⁰⁵ Nakona, oho, ntsena a vaya eku tsakeni loku kulu hi vuloyi bya vona, kuya emahlweni ni le mahlweni tani hi sweswo, va ri karhi va vula marito lama ntsongo va ku, "Marito ya le henhla lawa ya kwetsimaka: Tatana, N'wana, ni Moya wo Kwetsima," hi matlhelo ha mambirhi tani hi sweswo. Swingaleswi ndzi n'wi vonile a korhamile, a rhendzeriwile hi va javuloso lahaya, kambe a nga bohiwanga.

²⁰⁶ Hiloko ndzi ku eka Makwerhu Lowster, "U nga swi toloki leswi."

²⁰⁷ Ndzi ku, "Makwerhu Arganbright, ntsena khongela."

²⁰⁸ Ndzi ku, "Hosi Xikwembu, Mutumbuluxi wa matilo ni misava, U ndzi rhumile lahawani. Ndzi vekile nkondzo wa mina eka misava leyi ya le Jarmani, hi Vito ra Yesu Kreste, hikuva U ndzi rhumile lahawani. Nakona papa lero ari na matimba ehenhleni ka mina. A ri tano, hikuva ndzi na ntoto nakona u ndzi rhumile lahawani ku ta ponisa vanhu lava."

"Ndza ku lerisa, hi Vito ra Yesu, kusuka lahawani."

²⁰⁹ Hiloko tilo, rifamba, "Bang! Bang! Bang!" Ri famba, "Grrrrrrrrr," ri pfumela ekule, ehenhla hi ku lulama ku kongomana ni tende, ku hunga ku tlhelela endzhaku; hi loko dyambu ri huma.

²¹⁰ Ku nga se hela khume ra timinetse, akuri ni kwalomu ka khume ra magidi lava va rhendzeleke tialtari ni swin'wana, va ri karhi va huwelela ku kuma tintswalo, ku vona matimba ya Xikwembu. Hikokwalaho ka yini? "La a nga eka n'wina i nkulu, kutlula la nga emisaveni." Wa vona?

²¹¹ "La nga eka n'wina i nkulu, kutlula la nga emisaveni." Vonani kuhlunama eka nchumu, oho, makwerhu, sesi, a hi na ku khunguvanyeka eka hinkwaswo. Lonkulukumba i Xikwembu, nakona Xi le ka n'wina. Maswi pfumela sweswo? [Nhlenegetano yi ku, "Amen."—Muhleri.]

²¹² Swingaleswi ndzi nghenile endleleni ni vusiku. I khume ntlhanu wa timinetse, kwalomu, endzhaku ka nkaye. Nakona ndza va tiva vanhu lava vana ndlela yo leha va nga ta yi famba.

A hi korhamiseni tinhloko ta hina ntsena xinkadyani.

²¹³ O Xikwembu Tatana, Wena la tivaka Colarado. Wa swi tiva leswaku swilo leswi swi ntiyiso. Nakona ndza swi vula hikokwalaho ka kukwetsima ka Wena, leswaku vanhu lava va nga ha tiva. Endzhaku kaloko swikambisisiwile hi sayense, hi swifaniso, ni hi mintirho ya Moya wo Kwetsima. Nakona, Hosi, Wena la tivaka leswaku U...leswaku ndzi sungurile erivaleni evanhwini, niku endla minkarhi hinkwayo, sweswo swi hikuva U swi tshembhisile. Nakona U lahawani, ku ringeta ku kuma un'wana loyi U nga tiyisaka vu Wena ha yena, ku pfumelela van'wana ku vona leswaku Wena wa

hanya, nakona hi Wena tolo, namutlha, ni hi laha ku nga heriki. Ndza Ku khongela, Hosi, kuva ni tintswalo, niku letela niku hi kongomisa eku anakanyeni ka hina.

²¹⁴ Kuna lava va nga tshama lahawani lava va vabyaka niku tikeriwa. Kuna lava kumbexani va nga faka loko va nga kumi ku pfuniwa hi Wena. Votala va vona, kumbexani, swile makun'wini ya patu, laha vadokodela va nga taka va nga ha pfuni nakambe. Wena Xikwembu, nakona hi Wena tolo, namunthla, ni hi laha ku nga heriki. Nakona Vukona bya Wena byi lahawani.

²¹⁵ Nakona, Hosi, a hi kutivi ku Koka ka Nharhu loku, tani hi laha hi swi kongomiseke eka Wona, swi tava tano. A ndzi tivi nchumu. Kambe hi tiva nchumu wun'we, leswaku ku Koka ro Sungula akuri ku hetiseka. Ku Koka ka Vumbirhi, kuva kuri ntlhanu, akuri tintswalo.

Nakona, Xikwembu, ndza khongela emadyambyini lawa leswaku U ta tihlavutela wena hi Wexe eka hina, leswaku endzhaku ka swilo leswi, hi kuvula leswi "La nga ka n'wina!" Nakona U teri, "Mintirho leyi Ndzi yi endleke mi ta yi endla na n'wina," ni kuva a te Mi nga endli nchumu kufikela laha Tatana a Mi kombaka.

²¹⁶ Nakona hi vonile leswi U swi endleke loko Wa ha fanele ku byela mu-Apostolo Petro leswi ari xiswona, leswi vito ra tatana wa yena ariri xi swona. Ku byela Nathanael leswi mixini wa yeni awuri xiswona, leswi a nga tisa xiswona ku ta lahaya, laha ari kona ku nga seva ni mavoko, lawa ama endleke. U byerile wansati, exihlobyen, hi swidyo swa yena ni leswi ari xiswona, ku hanya eka vungwavavani lebyi ni vavanuna lava va ntsevu; ntlhanu lava a ri na vona, un'we loyi a tshama na yena aku ngari nuna wa yena. Wa hari Xikwembu lexi xi fanaka. U byerile . . .

²¹⁷ Akuri xiyimo xa vubofu bya Bartimiy, tani hi laha a yimeke lahaya; kambe hambi swi ri tano, embilwini ya yena, ari niku vona, leswaku a nga ha vona; leswaku, loko yaloye kuri Yehovha loyi a tikombiseke eka xinakulorhi xa N'wana a nga Yesu Kreste, laha Yena a faneleke ku tiva ku rila ka yena. Nakona u huwelerile, "Wena N'wana wa Davida, ndzi twele vusiwana!" Nakona swi ku yimisile, U hundzulukile a ya n'wi horisa, O Tatana, a n'wi byela leswaku kupfumela ka yena ku n'wi horisile.

²¹⁸ Wansati yaloye lontsongo wa anemiya, laha kuya hi switlhandla sweswo niku ncica vutomi, nakona malembe yo tala byi nga yimi. A tirhisile mali ya yena hinkwayo eka vadokodela, nakona kuhava loyi a n'wi pfuneke. U tile eka yin'wana ya tinhlengeletano ta Wena tani hi laha a Wa ha vulavula ni wanuna lahaya e—e Galeliya, tani hi laha a Wu ri endleleni yo ya endlwini ya Yairo. Wansati loyi lontsongo a ti

byerile embilwini ya yena, ku nga ri ni Matsalwa ekusuhi, eka swona, "Loko ntsena ndzi nga kota ku khumbha nguvu ya Yena, ndza—ndza pfumela leswaku sweswo swi ta ndzi endla ndzi hola." Nakona u vile niku tsakela ka yena loko a khumbhile nguvu ya Wena. Nakona U n'wi byerile leswaku ripfumelo ra yena ri swi endlile, kuhlamusela swilaveko swa yena, nakona u horisiwile.

²¹⁹ Hi byeriwile eRitweni leswaku hi Wena Muprista Lonkulu, la tshameke eHenhla, hilaha ku nga heriki eku endla ku khongela. Nakona—nakona leswaku Wena, kuva Muprista Lonkulu, enkarhini lowu, sweswo swi nga ha khumbhiwa hi ku khumbha ka vugono bya hina. Hosi Xikwembu, hi nyike leswaku munhu wun'wana ni wun'wana lahwani emadyambyini lawa a nga ha va...ni mfanelo ya ku khumbha Wena emadyambyini lawa, Muprista Lonkulu wa kahle, niku endliya hi va kahle. Hi Kukwetsima ka Xikwembu, ndza swi kombela hi Vito ra Yesu. Amen.

²²⁰ Sweswi a ndzi tivi...Kuna makhadi ya xikhongelo? Ndzi—ndzi byerile Billy kuka a nga...un'wana ni un'wana u na makhadi ya xikhongelo? Hinkwaswo swi lulamile, sweswo hi swona, ndzi n'wi byerile leswaku a nga maphaki. A ndzi ehleketa leswaku kumbexani ndzi ta hlwela nyana, tani hiloko ndzi...oho, ntsena ndzi vulavurile ngopfu. Kambe, languta, wa vona, nakona u ndzi byerile, loko ndzi te, "Ndzi ta ringeta ku huma hi makume nharhu ku bile awara ya nhungu," u hlekile, nakona ndzi—ndzi swi tivile leswaku a wu tiva leswi a wu vulavula hi swona. Mina—ndzi...kambe ndza—ndza ku rhandza. Wa vona?

²²¹ Leswi, leswi ndzi ringetaka ku swi endla, minkarhi hinkwayo ndzi ringeta leswi, vanghana; a hi swa un'wana ku swi vula, "Makwerhu Branham u endlile leswi." Makwerhu Branham a ngaka a nga endli nchumu. Wa vona? I Yesu Kreste. Nakona Yena loyi a nga eka mina u le ka n'wina. Mi fanele ku pfumela. A hi swona sweswo? Wa vona? Loyi a nga eka n'wina i nkulu kutlula vuvabyi bya n'wina.

²²² Sweswi i vanhu vangani lahwani lava va vabyaka emirini ya vona, a mi ndzi tivi, kambe ma pfumela leswaku mi na ripfumelo ro ringanelu ku khumbha Muprista Lonkulu, yimisani mavoko ya n'wina ehenhla, mi ku, "Ndza swi pfumela"? Hinkwaswo swi lulamile. Oho, kuna ku endleka hi nkwako, mavoko. Hinkwaswo swi lulamile. I vangani lahwani lava va ndzi tivaka, niku tiva leswaku a ndzi tivi nchumu hi swilaveko leswi mi nga na swona, nakona milava Xikwembu leswaku xi mi khumbha? Yimisani mavoko ya n'wina. Wa vona? Wa vona? Hinkwaswo swi lulamile.

²²³ Hi ku tshembheka, ku hava munhu lahwani loyi ndzi tivaka nchumu ha yena, eka nkarhi walowu wa sweswi, loyi a vabyaka. Kambe jaha leri ri nga tshama lahwani, ndza ri

tiva. Ndzi n'wi khongelerile, minkarhi yo tala. A ndza ha ehleketi hi vito ra yena, kambe u huma ehansi eKentucky. Wa ndzi tsalela nkarhi hinkwawo, vunghana bya ximunhu bya Makwerhu na Sesi Woods na vona, ni kuta ehenhla lahay. Nakona u nghenelerile nhlengeletano ko leha, nkarhi wo leha. Yaloye hi yena munhu loyi ndzi n'wi tivaka.

²²⁴ Sweswi, Makwerhu Dauch, tani hi laha ndzi swi tivisaka xiswona, hinkwaswo swi lulamile, kumbe a tava a nga tshamanga lahwani. A vabya ngopfu siku rin'wana, nakona Hosi yi n'wi horisile.

²²⁵ A ndzi n'wi tivi munhu loyi. Nakona a ndzi swi tivi leswaku i mani a nga na tinhonga leti ta swilema lahwani; kumbe munhu yaloye exitulwini. A—a ndzi tivi.

Nakona ndzi—ndzi tiva vunyingi bya n'wina. Kambe Xikwembu eMatilweni xa swi tiva, eka nkarhi lowu, a ndzi tivi leswaku milava yini. Kuhava lexi ndzi nga xi endlaka. I muxaka wo tika lahwani etabernakeleni, hikuva, wa vona, ndzi tiva vanhu vo tala.

²²⁶ Sweswi lahwani hi leswi swi nga xiswona. Loko mita endhawini... Sweswi, ndzi tile lahwani, nkarhi wun'wana, ndzi ku, "Hinkwaswo swi lulamile, hi ta nyika un'wana ni un'wana khadi ra xikhongelo nikua forisa layini. Tanani eka platifomo." Un'wana u ta fambela ekule... Sweswi mi ngaka mi nga swikoti...

Sweswi, vanghana, ndzi ya eku pfuleni ka mbilu ya mina ni mi byela swin'wana. Mi ngaka mi nga swi tumbeti sweswo. Ntsena leswi mi swi ehleketa, ndza swi tiva. Sweswo swi lulamile. Ndzi tiva leswi mi swi ehleketa. Wa vona? Nakona nkarhi wun'wana mi ri, "Makwerhu, ndza pfumela." Hikokwalaho ka yini, kambe, mi pfumela kutlurisa. Wa vona? Wa vona? Ndza swi tiva.

²²⁷ Nakona lahwani, kambe, sweswi, ntsena sweswi, ntoto ntsena wu le kuteni ehenhleni ka mina, maswivona. Nakona ntsena ndzi nga twa ku khuluka kwaloko, tani hi, ku ba, wa vona, ku ba ka mbilu loku ku hambaneke kusuka eka tindhawu hinkwato. Wa vona?

Kambe sweswi mi nga—mi nga ha endli leswaku mi nga pfumeri. Pfumelani Hungu hinkwaro. Pfumelani Sweswo. Loko swi ngari tano, loko swi nga tsariwanga eBibeleni, swingaleswi mi nga tshuki mi swi pfumela. Kambe loko Swi ri eka Bibele, swingaleswi Moya wo Kwetsima lowu wu hanyaka eka hina wu boheka ku endla leswi hi Swi pfumelaka. A hi swona sweswo? [Nhlengeletano yi ku, "Amen."—Muhleri.]

Ndza swi tiva swa tika. Wa vona, kuhava leswi swi taka hi ku olova.

²²⁸ A swi tika eka Yena kuva a fa, leswaku leswi mi nga ha humeseriwela swona. A swi tika eka Yena kuya

eXihambanweni; U lavile ku tshama, hambi kuri ku tshama ngopfu kufikela laha Yena a rilaka, "Ku ngavi ku rhandza ka Mina, kambe a ku endliwe ku rhandza ka Wena." Wa vona? Wa vona? A nga kalanga a lava ku famba; A ri Wanuna lontsongo, nakona A ri ni vamakwerhu va Yena. A va rhandza tani hi laha ndzi mi rhandzisaka xiswona. Kambe A—A nga ta swikota kutshama, nakona vona va sarile, swingaleswi U file leswaku hi ta hanya. Sweswo a swi nga olovi. A fanele ku swi endla. Langutani leswi rifu ri nga pavalarisa xiswona emahlweni ka Yena, "Tatana, awara yi fikile, nakona Ndza khongela leswaku U nga ha teka xinwelo lexi xi ya ekule na Mina? Ee." A nga kalangi a lava ku endla sweswo; U lavile ku endliwa ku rhandza ka Xikwembu.

²²⁹ Sweswi, langutani, loko mi ta pfumela nchumu walowo wu fanaka! Sweswi, mi nga—mi nga—mi nga Wu kombeti, eka hinkwaswo. Ntsena swi pfumeleni. Ntsena hi ku hetiseka swi pfumeleni. Mi nga kanakani. Mi swi pfumela.

²³⁰ Loko ndzi tisa vanhu eka ntilla wa xikhongelo, niku, "Hinkwaswo swi lulamile, sweswi munhu loyi, wa swi tiva a ndzi ku tivi."

²³¹ "Ee, sweswo hi swona, Makwerhu Branham."

²³² Swingaleswi ehandle lahaya u ta khoma un'wana loyi a nge, "Uh-huh, kambe u le kuhlayeni ka leswi swi vekiweke eka khadi ra xikhongelo! Maendlelo!" Swi ntsena hakunene ku swi endla.

²³³ Swingaleswi ndzi ta ku, "Hinkwaswo swi lulamile, swingaleswi Sonto lowu a hi nge nyiki makhadi ya xikhongelo. Ndzi lava un'wana ni un'wana la nga lahwani, loyi a nga muluveri, loyi oka a nga se tshama a va lahwani, u yima." Wa vona? Nakona—nakona swingaleswi Moya wo Kwetsima wu ta jika wu enhlisa hinkwaswo leswi swi nga eka wona. Wa vona? A hi swona sweswo? [Nhlengeletano yi ku, "Amen."—Muhleri.] Mi swi vonile hi tindlela hinkwato.

²³⁴ "Oho, kambe, lahaya kuna swin'wana leswi nga hoxeka haswona." Wa vona? Wa vona? Lahaya, a kuna ndlela yin'wana, mi—mi—mi ngaka... Wa vona, tani hiloko Sathana a kuma rifuwo, ntsena u ta mi endla mi pfumela swin'wana ni swin'wana.

Nakona u ta mi komba xihoxo xin'wana ni xin'wana lexi ndzi nga na xona, nakona ndzi na vunyingi bya swona leswi a nga mi kombaka. Kambe mi nga languti eka sweswo! Mi nga languti eka sweswo. Ndzi munhu. Wa vona? Kambe, tsundzukani, Rito leri ra Xikwembu ri Ntiyiso, nakona ndzi ringeta ku hanya hi Rona.

²³⁵ Loko ndzi huma lahwani ni sungula ku endla swilo leswi hoxekeke, sweswo a hi swona, ku dyoha, niku nwa, niku, kumbe ku zaha, kumbe—kumbe ku endla swilo leswi nga riki

kahle, mi—mi ta mi ta ndzi tshamisa, hikuva sweswo—sweswo a hi kuta. Swingaleswi ndzi—ndzi lava ku siya misava. A ndzi lavi... Ndzi lava ku famba sweswo swi ngase humeleta. Wa vona? A ndzi lavi ku swi endla sweswo.

²³⁶ Kambe tani hiloko ndzi ri eku ringetenka ku hanya leswi nga lulama niku endla leswi lulameke, wa vona, niku ringeta ku hanya tani hi Mukreste a faneleke ku swi endla, swingaleswi mi nge Xikwembu xi teka Rito ra Xona nikuva xi ndzi yingisela xi yima hi Rona. Hambi leswi Ri ndzi vangelaka leswaku niva na vanghana vo tala ni xidumo xa misava, ni swin'wana swo fana ni sweswo, niku vengiwa hi votala, ni tidinominexini, ku rhaheriwa ehandle, hambi swiritano ndzi lava kuva ni ntiyiso eka Rito leri. I Rito ra Xikwembu, nakona ndzi rhandza Xikwembu. Swingaleswi i Rito ra Xikwembu, nakona ndza—ndza mi byela leswaku, "Hi yena tolo, namutlha, ni hi laha ku nga heriki," nakona U le ka hina sweswi. Nakona loko...

²³⁷ Sweswi, loko vutomi bya Shakespeare a byi ri eka mina, byi hanya ka mina, loko Shakespeare a hanyile eka mina, a ndzi nga ta endla mintirho ya Shakespeare? Loko Beethoven ari eka mina, a ndzi nga ta endla mintirho ya Beethoven? Loko moywa Dillinger awuri eka mina, loko John Dillinger a hanyile eka mina, a ndzi nga tava ndzi ri John Dillinger? Loko Beethoven ari eka mina, a ndzi tava ndzi ri Beethoven? Wa vona? Loko Castro ari eka mina, a ndzi tava ndzi ri Castro? Wa vona?

Nakona loko Yesu Kreste ari eka mina, mintirho ya Yena ndzi ta yi endla, hikuva hi Yena. Nakona a hi Yena a nga vula nchumu walowo leswaku wu ta teka ndhawu? Wa vona? [Nhlengeletano yi ku, "Amen."—Muhleri.]

²³⁸ Swingaleswi A nga endla yini Yena loko a yimile lahawani, loko Yena a hari tolo, namuntlha, ni hi laha ku nga heriki? A taku, "Ndzi nga endla ntsena leswi Tatana a Ndzi kombeke ku swi endla." A hi swona sweswo? Kambe, yaleyo hi yona ndlela leyi Yena a yi endleke tolo.

Swingaleswi hi Yena la fanaka? Vuvabyi byona ke? Hakelo ya n'wina khale yi hakeriwile. Un'wana ni un'wana wa n'wina khale a horisiwile evuvabyini. A hi swona sweswo? [Nhlengeletano yi ku, "Amen."—Muhleri.] Eka sweswo... Un'wana ni un'wana wa n'wina u rivaleriwile, kambe mi fanele ku swi amukela. Un'wana ni un'wana wa n'wina u horisiwile, kambe mi fanele ku swi amukela.

²³⁹ Sweswi, ku kombisa leswaku hi Yena la fanaka ni tolo, namunthla, ni hi laha ku nga heriki. Loko A yimile lahawani, A nga ta kota ku mi horisa, eka hinkwaswo, nikuva mi nga pfumeli. Mi fanele ku swi pfumela, ntsena ku fana ni loko mi lava ku swi pfumela kona sweswi. Swi fanele swi fana, wa vona. "Hikuva, mintirho yo tala ya matimba leyi A nga ta yi endla hi

siku ra Yena, hikokwalaho ka ku ka va nga pfumeri vona.” A hi swona sweswo? Mintirho yo tala ya matimba A ngaka a nga yi endli namuntlha, hikokwalaho ka lava va nga pfumeriki.

²⁴⁰ Sweswi, I mani loyi a nga swivulaka *sweswo*? Xikwembu. I mani a swi vuleke *leswi*? Xikwembu. I mani la swi endleke *sweswo*? Xikwembu. I mani loyi angete laha ku nga na berhe, ndhakazi, mhunti, ni hinkwaswo swilo leswi n'wana, ni nkombo...hinkwaswo—hinkwaswo swilo leswi swi humeleleke? I mani a nga vula sweswo? Yena, Kreste, loyi a nga eka hina, a profeta yena hi Yexe hi hina, a tihlavutela yena hi Yexe leswaku hi Yena tolo, namuntlha, ni hi laha ku nga heriki.

I mani a nga yimisa mheho? I mani a tumbuluxekе vamaxinjani? Loyer a fanaka ni Un'wana a nga tumbuluxela Abraham holokosta, loko a...a N'wi vitanile “Yehovha-yire.” Komponi ya vona ya mavito lawa ya kutsulaka ma ha kombela eka Yena. Wa hari Yehovha-yire, “Hosi yi nga ha nyika hi vu Yona Gandzelo.”

²⁴¹ Sweswi, un'wana ni un'wana wa n'wina, ndzi—ndzi lava ku enta ka ku tshembheka ka n'wina sweswi. Loko mi nga pfumela hi timbilu ta n'wina hinkwato, a ku ngevi ni munhu loyi a chavisaka exikarhini xa hina, hi nkarhi lowu wachi a yi engetela ntlanu wa tin'wana ta timinetse. A ku nga tava ka hari ni munhu lahawani kambe leswi a swi tava swi ri eminkondzweni ya vona, kambe, kambe loko ntsena u nga swi pfumela. U nga swi pfumela?

²⁴² Sweswi ntsena a hi voneni loko Yena a ta ta eka hina a tihlavutela yena hi Yexe, loko ha ha korhamisile tinhloko ta hina.

²⁴³ Hosi Yesu, sweswi Wa ndzi pfunu. Nakona ndzi ta Ku yingisa, Hosi, hinkwaswo leswi ndzi swi tivisaka xiswona. Ndzi rivaleli swidyoho swa mina niku dyoha. Ndza swi khongelela hi Vito ra Yesu. Amen.

²⁴⁴ Sweswi mi nge ndzi teka tlhelo leri lahawani, un'wana lahawani. Pfumela, vana ni ripfumelo, u nga kanakani! Un'wana loyi a nga ndzi tiviki, loko swi endleka. Ndzi ngaka ndzi nga vuli laha xivono xiyaka kona. Ntsena ndzi fanele ku Xi hlalela. Nakona loko Xi swi endla sweswo, swingaleswi ma swi tiva, hambi i ntiyiso kumbe wu nga ri wona. Ntsena pfumelani, mi nga kanakani. Loko Yena a ta swi endla, mi ta pfumela, wa vona, endzhaku ka hinkwaswo leswi nga endliwa namutlha? Wa vona? Ntsena amukelani ku horisiwa, wa vona. Mi ku, “Hosi, sweswi ndzi khumbha Yesu Kreste. Ndza pfumela.” Swingaleswi Xikwembu xa Matilo xi nga hi nyika swona.

²⁴⁵ “La nga ka n'wina i nkulu, Kreste, kutlula la nga misaveni.” Sweswi, eka nhlengeletano, laha hi N'wi

khumbhaka, U tlherisela vu Yena endzhaku; tani hi wansati a khumbheke Xikwembu, ha Kreste, a tlherisela endzhaku swi laveko swa yena.

²⁴⁶ Ndza swivona sweswi ehenhla ka yinhla lahaya, swi languteka tani hiloko kuri munhu, u le tiyisweni. Ee, a swi tano. I wansati a khongelelaka wanuna, nakona wanuna a nga kona lahwani. Kambe i wansati. Ndzi vona wansati yaloye... I tata wa—wa yena, nakona u le ku feni hi mfukuzani. Nikuva entiyisweni swinene. Wanuna a nga kona lahwani. U le ka ndhawu yin'wana. A hi tiko leri, hambi. Hi le, u le Georgia.

Ntsena yana emahlweni niku khongela. Wa pfumela hi mbilu ya wena hinkwayo sweswi? [Nhlengeletano yi ku, "Amen."—Muhleri.] Ntsena tshamela ro khongela, wa vona.

Vito ra wansati, la khongelaka, i Manana Jordan. A nga humi eGeorgia. U huma eN'walungu wa Carolina. Loko sweswo kuri swona, ntombhi, yima hi milenge ya wena. Hi swona, ntiyiso hinkwawo. [Sesi a ku, "Ndzi nkhensa Xikwembu! Ndzi nkhensa Xikwembu!"—Muhleri.] A kuri wena u khongelelaka sweswo? ["Ina, nkulukumba; papa wa mina."] Hinkwaswo swi lulamile. Hinkwaswo swi lulamile. [Sesi a ya emahlweni niku hlamusela hi tata wa yena.]

Wa pfumela, leswaku, "La nga ka wena i nkulu kutlula misava"? [Sesi a ku, "Ndza pfumela."—Muhleri.] Wa pfumela leswaku La nga...

²⁴⁷ Languta, hi leswi swin'wana. U vile ni ku dyondzisiwa lokukulu emasikwini ya wena, kumbe nchumu un'wana, hikuva swi tikomba u hlanganile kumbe eka maendlelo man'wana ya vuKreste... Tatana wa wena a hi ministara, kumbe un'wana tani hi sweswo, vanhu van'wana va n'wina, kumbe swin'wana? [Sesi a ku, "Nuna wa mina."—Muhleri.] Nuna wa wena, hiloyi ari xiswona. Ndzi vona un'wana a nga yima ekusuhi na wena, a chumayela Evhangeli, nakona a wuri ekerekeni. A khomanile na wena. ["A ku dzunisiwi Hosi!"] Hinkwaswo swi lulamile, se wata.

Sweswi, ntombhi a ndzi n'wi tivi, kambe Xikwembu xi tiva wansati.

²⁴⁸ Sweswi, loko uri na swin'wana exibukwanini xa wena xale xikhwameni, xidukwana nyana kumbe swin'wana? Hinkwaswo swi lulamile, swingaleswi ma ku... Loko u tshama ehansi, tlhandleka mavoko eka xidukwana xexo, nakona u nga kanakani, nakona La nga ka wena i nkulu kutlula la dlayaka papa wa wena. Pfumela hi mbilu ya wena hinkwayo, swingaleswi swi tava tani hiloko u pfumela.

²⁴⁹ Sweswi, ndzi lava ku ku vutisa swin'wana. A ndzi n'wi tivi wansati yaloye. Tani hilaha ndzi swi tivisaka xiswona, lowu i nkarhi wo sungula, ndza vhumbha, a ndzi se tshama ndzi n'wi

vona. Kambe u tshamile lahaya ni xiyimo xa gome, a khongela. Nakona Xikwembu lexi xi fanaka lexi hundzulu keke xi byela wansati hi swithandla swa yena, kahari Xikwembu xin'we lexi nga lahawani, ku kombeta leswaku La nga ka n'wina u hlurile misava. Ma pfumela xana? [Nhlengeletano yi ku, "Amen."—Muhleri.] Loko ntsena mo va ni ripfumelo, mi nga kanakani.

²⁵⁰ Ku vulavula hi mfukuzani, ndzi vona ndzhuti walowo wa ntima nakambe. Wu le henhla ka wansati, la tshameke *lahawani*. U na mfukuzani wa nkolo, nakona u le ka xivumbeko xo biha. Nakona ari eku yi khongeeleni, niku ringeta ku amukela ku horisiwa. Manana Burton, loko ntsena mi pfumela! A ndzi n'wi tivi wansati. Kambe loko u nga pfumela hi mbilu ya wena hinkwayo . . . Hakunene, nchumu . . .

U nge ndzi ku hlamusela leswi, leswi u ringetaka ku swi endla. U lahlekeriwile hi rito ra wena, kusuka eka yona, nakona u le ku ringetenika ku khongeleta rito ra wena leswaku ri tlhela ri vuya. A hi swona sweswo? Fambisa voko ra wena ku fana ni *leswi*. Sweswi, wansati u muluveri eka mina. A ndzi n'wi tivi. Ku n'wi vona? Sweswo hi swona. Lahaya, lahaya u kona. Wa vona? "La nga ka wena i nkulu, ripfumelo leri ri nga N'wi khumbhaka, kutlula la nga nkolweni."

Wa pfumela hi mbilu ya wena hinkwayo? [Nhlengeletano yi ku, "Amen."—Muhleri.]

²⁵¹ Sesi Larsen, ndza ku tiva. I n'wini wa yindlu ya mina. Kambe, Sesi Larsen, u yile eka dokodela kumbe swin'wana, nchumu wun'wana. U yile eka vuhandzuri. Hi swona sweswo. A hi swona sweswo? La nga ka n'wina i nkulu, Sesi Larsen, kutlula la nga misaveni. Yesu u teri, "A ndzi ri muluveri, nakona u Ndzi nghenisile. Hi vunyingi tani hi laha u ndzi endleke leswi ntsongo swa leswi, swin'wana swa Mina leswi ntsongo, u swi endlerile Mina."

O Tatana la nga Matilweni, vana ni tintswalo!

²⁵² U ehleketa yini? U yile u ya endliwa vuhandzuri, nakambe. I muluveri eka mina. A hi swona sweswo? [Sesi a ku, "Ina."—Muhleri.] A wu humi kona lahawani. ["Ndza ku tiva, kambe wena a wu ndzi tivi."] Wa ndzi tiva, kambe a ndzi ku tivi. ["A wu ndzi tivi."] Kambe Xikwembu xa ku tiva. Wa swi pfumela sweswo? ["Ina, ndza pfumela."] A wu ye u ya endliwa vuhandzuri. A wu tshami kona lahawani. U huma ekusuhi na Bedford, Springville, swin'wana tani hi . . . Kwalaho hi laha ri nga kona, Springville. Manana Burton . . . Ee, ee, ndzi khomelé, a ndzi nga vuli sweswo. Manana Parker, lero i vito ra wena. A hi rona? La nga ka n'wina i nkulu, kutlula la ringetaka ku kudlaya. A hi swona sweswo? Wa pfumela hi mbilu ya wena hinkwayo? Swingaleswi a wu nge kali u lava vuhandzuri bya wena, loko u pfumela.

²⁵³ U ehleketa yini hi leswi hinkwaswo, sesi? A ndzi ku tivi. I muluveri eka mina. Wa ndzi pfumela leswaku ndzi muprofeta wa Yena? [Sesi a ku, “Ndza swi pfumela.”—Muhleri.] Wa pfumela. Ndza nkhensa. Xikwembu xi ta xixima sweswo. U Manana White. U huma eFort Worth, Texas. U na vuvabyi bya tinhlampfana, xiyimo xo rhurhumela. A wu kahle. A kuna ku tshembha eka wena, tani hi laha vutshunguri bya sayense byi nga xiswona. Nuna wa wena, u na xilaveko xa ximoya lexi a xi khongelelaka. U na jaha lahaya, u karhatiwa hi nhlana, ni mbilu. U na xifanyetana emarhumbiyini ya xona. Xifanyetana xexo xi na maendlelo man’wana yo vulavula laha u nga eku makhongeleleni. Loko sweswo kuri swona, yimisa voko ra wena. [Nuna a ku, “Sweswo hi swona. I swi laveko swa hina.”]

“La nga ka n’wina i nkulu, kutlula la nga misaveni.” Ma swi pfumela sweswo? [Nhlengeletano yi ku, “Amen.”—Muhleri.] Hi timbilu ta n’wina hinkwato? [“Amen.”] Hinkwaswo ka swona? [“Amen.”]

Sweswi a hi korhamiseni tinhloko ta hina.

²⁵⁴ Swingaleswi U yile eka muako. U mikombisile leswaku hi Yena Xikwembu. “Lonkulu, loyi Yena a nga eka n’wina, kutlula loyi a nga emisaveni.” I Hosi Xikwembu. Sweswi, La nga ka n’wina, mi nge Xona xi va lonkulu. Mi nge Xona xi va muvuri wa—wa leswi mi... .

Sweswi vulani etimbilwini ta n’wina, loko mi swi kota, hi timbilu ta n’wina hinkwato, niku swi pfumela, “Vuvabyi lebyi a byi ri emirini wa mina byi fambile.” Wa vona? “A ndza ha karhateki nakambe. Ndza hari hava vuvabyi byin’wana. La nga ka mina i nkulu kutlula la nga eka miri wa mina. Loyi a nga embilwini ya mina i nkulu kutlula la nga enyameni ya mina. Swingaleswi, Loyi a nga embilwini ya mina u tumbuluxile Matilo ni misava. Nyama ya mina a yi nyamisiwile hi Sathana, nakona ndzi tempele ya Moya wo Kwetsima kuva wu hanya eka wona. Swingaleswi, Sathana, ndza ku lerisa leswaku u sukela miri wa mina. Hi Vito ra Yesu Kreste, huma eka mina.” Wa vona? Ma swi pfumela? [Nhlengeletano yi ku, “Amen.”—Muhleri.]

Sweswi hinkwerhu a hi khongeleni hi tindlela leti ti nga ta hina sweswi, un’wana ni un’wana, loko ndza ha mikhongelela.

²⁵⁵ Xikwembu xa Matimba hinkwawo, Mutumbuluxi wa Matilo ni misava, Mutsari wa vutomi, Muhlavuteri wa swihundla swa mbilu, U teri, “Rito ra Xikwembu ri karhiha kutlula tlharhi leri ri nga na vukarhi hi matlhelo mambirhi, hambi ku avanyisa mianakanyo ya miehleketo.”

²⁵⁶ Xexo hi xona xivangelo, loko Rito ri endliwile nyama, Ritivekile hi leswi a va ehleketa ha swona, tani hi laha Yena a twisisa mianakanyo ya vona. A ri Rito, nakona Rito ri tivile swihundla swa timbilu.

Nakona Rito lero ra hari Rito leri fanaka. Nakona emadyambyini lawa hi Ri vona ri tihlavutela rona hi Roxe eka hina, endzhaku ka magidi mambirhi ya malembe, hikuva U Ri tsarile ephepheni nakona u lahawani ku ri tiyisisa, kuri kombeta, leswaku Ri kahle.

²⁵⁷ Lahawani kuna swidukwana swi nga tshama lahawani. Vanhu lava va vabyaka va hinkwako. Ndza khongela leswaku Moya lowukulu wo Kwetsima lowu wu nga kona, lowu wu kombetaka swilo leswi, lowu wu vulaka swilo leswi, nakona lowu wu nga hlulekiki, kambe lowu wu nga kahle, ku ngari nkarhi wun'we leswaku Wona wu nga hluleka, hikuva Wu Xikwembu. Mi nge Xona xi tota swidukwana leswi hi Vukona bya Xona, niku horisa munhu un'wana ni un'wana loyi a vabyaka lava va pavalaleke. Ni Xikwembu Lexi xi hanyaka, endzhaku ka magidi mbirhi wa malembe, nakona xi nga ha tivumba xona hi Xoxe eka timbilu ta vadyohi leti kutsuriweke hi tintswalo ni ripfumelo, niku vulavula Marito lawa ma nga ma Xona N'wini hi milomo leyi bolaka, niku swi vona swi humelela ntsena hi laha Xona xi tshehbhiseke.

²⁵⁸ O Hosi Xikwembu, ndza ku kombela leswaku U va ni tintswalo eka hina. Leswaku wanuna un'wana ni un'wana ni wansati lava va tshameke sweswi, lava va nga ni muxaka wun'wana wa vuvabyi kumbe ku karhateka; nakona tani hi Muxe ati cukumeteke yena hi yexe a ti tshova, a titshovela vanhu, madyambu lawa ndzi veka mbilu ya mina ehandle emahlweni ka Wena, Hosi. Hi ripfumelo hinkwaro leri ndzi nga na rona, leri ri nga eka Wena, leri U ndzi nyikeke rona, ndzi va nyika rona. Tani hi Petro a vuleke enyangweni lowu wu vuriwaka ku Saseka, "Leswi ndzi nga na swona, ndzi ku nyika swona. Hi Vito ra Yesu Kreste wa Nazareta, yima u famba." Nakona wanuna wa xilema ni—ni nikuva a nga tiyanga hi xinkadyana, kambe, loko va ha n'wi khomile, mahlakahla ya yena matiyisiwa. Hiloko a nghena eNdwlwini ya Xikwembu, ari karhi a cina, niku dzunisa niku katekisa Xikwembu.

²⁵⁹ A hi Yena la fanaka ni tolo, namuntlha, ni hi laha ku nga heriki. Nakona muapostola wa Yena uteri, "Leswi ndzi nga na swona, ndzi ku nyika swona." A kuri ripfumelo. Nakona ndzi ri: leswi ndzi nga na swona, ndzi swi nyika vayingiseri lava! Hi Vito ra Yesu Kreste wa Nazareta, ku tivisa vuvabyi bya n'wina, hikuva La nga ka n'wina i nkulu, kutlula Javulosi la ringetaka ku teka vutomi bya n'wina. Mi vana va Xikwembu. Mi va kutsuriwa.

²⁶⁰ Ndza ku lerisa leswaku Sathana tshika vanhu lava. Xikwembu Lexi nga tlherisa bubutsa lero siku rin'wana, Xikwembu Lexi endleke mheho ni magandlati kuva swi yima, Xi nga swi vona leswaku vuvabyi byin'wana ni byin'wana byi susiwile kusuka eka vanhu lava, ni matimba ya Kreste ma kombisiwile eka vutomi bya vona hi awara leyi. Lelewaku

mudyohi un'wana ni un'wana a nga ha hundzuka. Leswaku munhu un'wana ni un'wana, loyi a nga riki ekusuhi na Wena, a kumeka ari karhi a lulama hi awara leyi. Nakona swi nga hava tano, hi Vito ra Yesu Kreste.

²⁶¹ Ndzi, tani hi mufundhisi wa n'wina, makwerhu wa n'wina, ni ripfumelo leri ni nga na rona, ndzi komberile Xikwembu leswaku xi riveka eka n'wina. Ndza pfumela sweswo ndzi ta amukela leswi ndzi swi kombeleke. Sweswi loko mi ta swi pfumela na mina; ni ripfumelo leri ni nga na rona, ndzi mi nyika rona eka awara leyi.

Nakona sweswi, hi Vito ra Yesu Kreste, N'wana wa Xikwembu, ndzi lerisa kukarhateka ka n'wina, ku vabya ka n'wina, ndzi ri eka swona, "Mi fanele mi famba," hikuva mi na ripfumelo ra n'wina, ku hlangana ni ripfumelo ra mina, hi matimba ya Yesu Kreste, Loyi vukona bya yena hinkwabyo byi lahawani ku swi yimela niku kombisa leswaku Yena u lahawani, u ta mi endla mi va kahle nkarhi lowu.

²⁶² Wa swi pfumela sweswo, ntombhi, u nga pavalala exibedwanini lexi? [Sesi a ku, "Hiswona sweswo."—Muhleri.] Laha tinhlampfana hinkwato ti fanaka ni leswi swi vitaniwaka, vuvabyi bya marhambu ni swin'wana, u nga ha famba loko u ringeta. Yima, hi Vito ra Yesu Kreste. N'wi pfuni kwalaho. Hi luya wa famba. A mi pfumeri? Vunyingi bya n'wina, yimani. Mahlakahla ya yena matiyisiwa.

Sweswi a hi yimiseni mavoko ya hina hi Xi dzunisa.

²⁶³ Yehovha Xikwembu lexikulu, hi Vito ra Yesu Kreste, hi nyiketa xiviri xa hina eka Wena eka ku horisiwa. Amen. 

LA NGA KA N'WINA TSO63-1110E (He That Is In You)

Hungu leri hi makwerhu William Marrion Branham ri hangalasiwile hi Xinghezi hi Sonto ni madyambu, Hukuri 10, 1963, eTabernakele ya Branham eJeffersonville, Indiana, U.S.A. Vuswikoti hi nkwbabyo, byi endliwile hiku lulama kusuka eku vulavuleni ka Hungu kusuka eka Xikandziyisa marito kuya eka papila leri tsariweke, nakona switsariwile swi nga khomanasiwanga switlhela swi hangalasiwa hi Voice Of God Recordings.

TSONGA

©2008 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org